

四庫全書薈要·乾隆御覽本

經部

周禮注疏卷三十七

漢鄭氏注 唐陸德明音義 賈公彥疏

大行人掌大賓之禮及大客之儀以親諸侯注大賓要

服以內諸侯大客謂其孤卿音義

要於遙反下文及注同

疏

釋曰此經

與下經為目大賓言禮亦有儀大客言儀亦有禮言禮據其始為本言儀據威儀為先云以親諸侯者易云先王以建萬國親諸侯則朝聘往來是也注釋曰言要服以內諸侯者對要服以外為小賓下文云九州之外謂之蕃國世壹見是也云大客謂其孤卿者謂還是大賓下孤卿對小行人所云小客則受幣聽其辭者為小客

言孤卿者據大國得立孤一人孤來聘侯伯已下無孤使卿來聘不言大夫士者殷聘使卿時聘使大夫士雖不得時聘為介來亦入客中故下云諸侯之卿其禮各下其君二等大夫士亦如之是皆得為客但據大聘略據尊者而言也若大賓大客尊卑異故言及以殊之此賓客相對則別散文則通是以大司徒云大賓客則令野脩道委積賓亦名客小司徒云小賓客令野脩道委積則客亦名賓是賓客通也春朝諸侯而

圖天下之事秋覲以比邦國之功夏宗以陳天下之謨冬遇以協諸侯之慮時會以發四方之禁殷同以施天下之政注此六事者以王見諸侯為文圖比陳協皆考績之言王者春見諸侯則圖其事之可否秋見諸侯則

比其功之高下夏見諸侯則陳其謀之是非冬見諸侯則合其慮之異同六服以其朝歲四時分來更迭如此而徧時會即時見也無常期諸侯有不順服者王將有征討之事則既朝王命為壇於國外合諸侯而發禁命事焉禁謂九伐之法殷同即殷見也王十二歲一巡守若不巡守則殷同殷同者六服盡朝既朝王亦命為壇於國外合諸侯而命其政政謂邦國之九法殷同四方四時分來歲終則徧矣九伐九法皆在司馬職司馬法

曰春以禮朝諸侯圖同事夏以禮宗諸侯陳同謀秋以禮覲諸侯比同功冬以禮遇諸侯圖同慮時以禮會諸

侯施同政殷以禮宗諸侯發同禁音義

朝直遙反後皆同比毗志反注

同春見徐賢遍反戚如字夏秋冬放此更音庚迭直結反編音遍下文注皆同時見賢編反下殷見同伐如字

劉扶疏

釋曰此六者諸侯朝覲天子春秋冬夏時會殷發反疏同各自相對為文春秋冬夏雖相對為文及其

受之處所則春夏為陽秋冬為陰以類同處是以鄭注曲禮云春夏受摯於朝受享於廟生氣文也故兩處受之秋冬一受之於廟殺氣質也故一處受之至於時會殷同自在國外為壇受之耳注釋曰云此六事者以王見諸侯為文者此六事者有考績之事故王下見諸侯為文大宗伯無事相見故以諸侯見王為文故言春見

曰朝夏見曰宗之等也云圖比陳協皆考績之言者事  
功謨慮禁政是考校功績之語故知是考績之言也云  
春見諸侯則圖其事之可否者以其事由春始故圖事  
也云秋見諸侯則比其功之高下者秋時物成故校比  
其功之高下以行賞罰也云夏見諸侯陳其謀之是非  
者夏物盛大形體皆異可分別故陳天下諸侯謀之是  
非云冬見諸侯則合其慮之異同者冬物伏藏故合其  
慮之異同也此四者皆因四時而為名也云六服以其  
朝歲四時分來更迭如此而徧者云六服以其朝歲者  
以下文依服數來朝則有不朝之歲故云以其朝歲也  
四時分來更迭而徧者假令侯服年年朝春東方來夏  
南方來秋西方來冬北方來甸服二歲一見亦春東夏  
南秋西冬北男服三歲一見當朝之歲亦然采服衛服  
要服皆然四方四分更互遞代來而徧云時會即時見  
也者大宗伯云時見曰會故云即時見也云無常期諸  
侯有不順服者王將有征討之事則既朝王命為壇於

國外合諸侯而發禁命事焉者無常期者假令一方諸侯或一國或五國謀叛不順王命餘諸侯並來并兵衆而至一則自明服二則助王討之云既朝者諸侯有不當朝歲者則就國外壇朝而已是以司儀與覲禮有壇朝之法若諸侯來者次當朝之歲者則於國內依常朝之法既朝乃向外就壇行盟載之禮也故云既朝既朝當朝歲之諸侯也云王命為壇於國外合諸侯而發禁命事焉者司儀所云者是也云禁謂九伐之法者大司馬所云九伐是也云殷同即殷見也者大宗伯云殷見曰同故云即殷見也云王十二歲一巡守若不巡守則殷同殷同者六服盡朝者鄭必知王不巡守即行殷同者下文云十有二歲王巡守殷國殷國與巡守連文明同是十二歲若王巡守何須殷同明不巡守乃殷同也云既朝王亦命為壇於國外合諸侯而命其政者此時六服盡朝於壇而云既朝者是當朝歲者在國朝既朝乃更於壇朝如時會然若然十二年唯衛服非朝之歲

則既朝者侯甸男采要皆是也云殷同四方四時分來  
歲終則徧矣者春東方六服盡來夏南方六服盡來秋  
西方六服盡來冬北方六服盡來是歲終則徧矣云九  
伐九法皆在司馬職者按大司馬云掌建邦之九法以  
佐王平邦國制畿封國以正邦國之等是也九伐者彼  
又云以九伐之法正邦國馮弱犯寡則眚之之等是也  
司馬法曰以下彼四時春云事夏云謀秋云功冬云慮  
與此同惟時會言施同政殷同言發同禁二者與此不  
同者欲見二者更互而有故不同也

**時聘以結諸侯之好殷覲以除邦國**  
之慝注此二事者亦以王見諸侯之臣使來者為文也

時聘者亦無常期天子有事諸侯使大夫來聘親以禮  
見之禮而遣之所以結其恩好也天子無事則已殷覲

謂一服朝之歲也。慝猶惡也。一服朝之歲，五服諸侯皆

使卿以聘禮來覲。天子天子以禮見之，命以政禁之事。

所以除其惡行音義

好呼報反。注同。覲通弔反。慝吐得反。使色吏反。行下孟反。

疏注釋

曰云此二事者亦以王見諸侯之臣使來者為文言亦亦上諸侯也。此亦對宗伯彼無考績之事直相見故云。時聘曰問。殷覲曰視。以見王為文。此有好慝之事。故以王下見為文。云時聘者亦無常期者亦諸侯云。時會也。云天子有事諸侯使大夫來聘親以禮見之。禮而遣之。所以結恩好也。者此謂時會之年。當方有諸侯不順服。當方諸侯來餘方無諸侯不順之事。身不來即大夫來聘。天子亦有兵至助王討逆云。天子無事則已者。此聘事為有事若王無事則不來也。云殷覲謂一服朝之歲也。者按宗伯注云一服朝在元年七年十一年以其朝。

者少聘者多故亦得稱殷殷衆也知亦命以政禁之事者以其言除邦國之慝大司馬九法九伐平正邦國所以除惡既言除慝明亦命以政禁者也

問問以諭諸侯之志歸服以交諸

侯之福賀慶以贊諸侯之喜致禮以補諸侯之裁注此

四者王使臣於諸侯之禮也問問者問歲一問諸侯謂

存省之屬諭諸侯之志者諭言語諭書名其類也交或

往或來者也贊助也致禮凶禮之弔禮禮也補諸侯

裁者若春秋澶淵之會謀歸宋財音義

問問厠之間注同脈上忍反禮

音會澶疏

釋曰此經天子於諸侯之法即下文云王之市然反所以撫邦國已下是也此云之者以上二經

已言諸侯見王之法故先略言王施恩於諸侯之禮注  
釋曰云此四者王使臣於諸侯之禮也者對上是諸侯  
及臣見王之禮故云此以對彼間問者間歲一問諸侯  
謂存省之屬者按下文云歲徧存三歲徧覲五歲徧省  
七歲屬象胥九歲屬瞽史十有一歲連瑞節並是間歲  
之事故鄭云之屬以包之云論諸侯之志者論言語論  
書名其類也者彼仍有協辭命之等故云其類也云交  
或徃或來者也者欲見臣有祭祀之事亦得歸胙於王  
故玉藻云臣致膳於君有葷桃苄亦歸胙於王也按宗  
伯云脰膳本施同姓尊二代之後亦得之故僖二十四  
年宋成公如楚還入鄭鄭伯將享之問禮於皇武子對  
曰宋先代之後也於周為客天子有事膳焉有喪拜馬  
僖九年王使宰孔賜齊侯胙曰天子有事於文武使孔  
賜伯舅胙注云周禮脰膳之禮親兄弟之國不以賜異  
姓尊齊侯客之若先代之後是其事也此言脰不言膳  
文不具云致禮凶禮之弔禮禴禮也者按宗伯云以禮

禮哀國敗此災亦云禮者同是會合財貨故災亦稱禮也云澶淵之會謀歸宋財者此事見襄公三十一年左氏傳彼以宋遭災諸侯大夫謀歸宋財補不足故取為證補災之事也按宗伯賀慶之禮親異姓之國此云諸侯者欲見庶姓諸侯有恩亦施及之故也按宗伯嘉禮有六此惟施二者但此二者可施與諸侯其餘飲食冠婚饗燕直制法行之非歸與之禮故不言也若然彼宗伯凶禮有五此唯言弔禮餘四者不言者行人唯主弔法餘禮蓋自有人主之故此不言也隱元年宰咺來歸惠公仲子之賙服氏云咺天子宰夫是宰夫主賙賙之事是其別以九儀辨諸侯之命等諸臣之爵以同邦國主之類也

之禮而待其賓客注九儀謂命者五公侯伯子男也爵

者四孤卿大夫士也疏

釋曰此經與下為目下文有五等諸侯次有孤執皮帛次諸侯

之卿下其君二等次有大夫士亦如之是列五等四命等爵故鄭云命者五公侯伯子男也爵者四孤卿大夫也

士上公之禮執桓圭九寸纁藉九寸冕服九章建常九

旒樊纓九就貳車九乘介九人禮九宰其朝位賓主之

間九十步立當車軹擯者五人廟中將幣三享王禮再

裸而酢饗禮九獻食禮九舉出入五積三問三勞諸侯

之禮執信圭七寸纁藉七寸冕服七章建常七旒樊纓

七就貳車七乘介七人禮七宰朝位賓主之間七十步

立當前疾擯者四人廟中將幣三享王禮壹裸而酢饗

禮七獻食禮七舉出入四積再問再勞諸伯執躬圭其  
他皆如諸侯之禮諸子執穀璧五寸纁藉五寸冕服五  
章建常五旒樊纓五就貳車五乘介五人禮五牢朝位  
賓主之間五十步立當車衡擯者三人廟中將幣三享  
王禮壹裸不酢饗禮五獻食禮五舉出入三積壹問壹  
勞諸男執蒲璧其他皆如諸子之禮注纁藉以五采韋  
衣板若奠玉則以藉之冕服著冕所服之衣也九章者  
自山龍以下七章者自華蟲以下五章者自宗彝以下

也常旌旗也旂其屬幟垂者也樊纓馬飾也以罽飾之  
每一處五采備為一就就成也貳副也介輔已行禮者  
也禮大禮饗餼也三牲備為一牢朝位謂大門外賓下  
車及王車出迎所立處也王始立大門內交擯三辭乃  
乘車而迎之齊僕為之節上公立當軹侯伯立當疾子  
男立當衡王立當軫與廟受命祖之廟也饗設盛禮以  
飲賓也問問不恙也勞謂苦倦之也皆有禮以幣致之  
故書裸作果鄭司農云車軹軹也三享三獻也裸讀為

灌再灌再飲公也而酢報飲王也舉舉樂也出入五積  
謂饋之芻米也前疾謂駟馬車轅前胡下垂挂地者玄  
謂三享皆束帛加璧庭實惟國所有朝士儀曰奉國地  
所出重物而獻之明臣職也朝先享不言朝者朝正禮  
不嫌有等也王禮王以鬱鬯禮賓也鬱人職曰凡祭祀  
賓客之裸事和鬱鬯以實彝而陳之禮者使宗伯攝酌  
圭瓚而裸王既拜送爵又攝酌璋瓚而裸后又拜送爵  
是謂再裸再裸賓乃酢王也禮侯伯一裸而酢者裸賓

賓酢王而已后不裸也禮子男一裸不酢者裸賓而已  
不酢王也不酢之禮聘禮禮賓是與九舉舉牲體九飯  
也出入謂從來訖去也每積有牢禮米禾芻薪凡數不

同者皆降殺音義

繼音藻藉在夜反下及注同苻音留  
下同樊畔干反下同垂繩證反下同

介音界下及注同軹之氏反或居氏反擯必忍反後皆  
同裸古亂反酢才洛反食音嗣下及注皆同積子賜反  
後皆同勞老報反下及注并小行人司儀職放此信音  
申後信圭同衣於既反著丁略反屬章玉反慘音衫屬  
居例反齊側皆反與音餘下是與步與皆同飲於鴆反  
下同恙羊尚反餽本又作饋求位反徐紀畏反拄張矩  
反飯扶晚反

疏

釋曰此一經總列上等諸侯來朝天子  
天子以禮迎待之法云上公之禮至三

殺色界反

問三勞徧論上公之禮但上公之禮一句總與下為目  
執桓圭九寸纁藉九寸此主行朝禮於朝所執其服則  
皮弁若行三享則執璧瑞自冕服九章已下至將幣三  
享見行三享已前之事自王禮已下至三勞見王禮上  
公之禮云執桓圭九寸者以桓楹為飾纁藉九寸者所  
以藉玉冕服九章者袞龍以下衣五章裳四章建常九  
旒者但對文日月為常交龍為旒而云常者常總稱故  
號旂為常也樊纓九就者樊馬腹帶纓馬鞅以五采蜀  
飾之而九成貳車九乘者按覲禮記云偏駕不入王門  
鄭云在傍與已同曰偏同姓金路異姓象路四衛萃路  
蕃國木路此等不入王門舍於館乘墨車龍旂以朝彼  
據覲禮覲禮天子不下堂而見諸侯故諸侯不得申偏  
駕今此春夏受贄在朝無迎法亦應偏駕不來今行朝  
後行三享在廟天子親迎竝申上服明乘金路之等若  
不申上車何得有樊纓九就之等以此知皆乘所得之  
車也但貳車所飾無文未知諸侯貳車得與上車同否

但數依命九乘七乘五乘介九人者陳於大門外賓北面時介皆西北陳之也禮九宰者此謂饗饋大禮朝享後乃陳於館以數有九故進之與介同在上其朝位賓主之間九十步者上公去門九十步王未迎之時在大門內與賓相去之數也立當車軹者軹謂轂末車轅北向在西邊亦去大門九十步公於車東東西相望當轂末擯者五人者大宗伯為上擯小行人為承擯番夫為末擯其餘二人是士廟中將幣三享者此謂行朝禮在朝訖乃行三享在廟乃有此迎賓之法也王禮者此與下為目則自此已下皆王禮耳再裸而酢者大宗伯代王裸賓君不酌臣故也次宗伯又代后裸賓裸訖賓以王爵酢王是再裸而酢也饗禮九獻者謂後日王速賓賓來就廟中行饗饗者烹大牢以飲賓設几而不倚爵盈而不飲饗以訓恭儉九獻者王酌獻賓賓酢主人主人酬賓酬後更八獻是為九獻食禮九舉者亦烹大牢以食賓無酒行食禮之時九舉牲體而食畢出入五積

者謂在路供賓來去皆五積視殮牽但牽牲布之於道  
三問者按司儀諸公相為賓云生國五積三問皆三辭  
拜受皆旅擯注云問問則問行道則勞其禮皆使卿大  
夫致之若然天子於諸侯之禮亦當使卿大夫問之亦  
有禮以致之所行三處亦當與三勞同處也三勞者按  
小行人逆勞於畿按覲禮云至於郊王使人皮弁用璧  
勞注云郊謂近郊其遠郊勞無文但近郊與畿大小行  
人勞則遠郊勞亦使大行人也按書傳略說云天子太  
子年十八授孟侯孟侯者四方諸侯來迎於郊或可遠  
郊勞使世子為之是以孝經注亦云世子郊迎郊迎即  
郊勞也彼雖據夏法周亦然諸侯之禮者餘文云諸侯  
者兼五等而此諸侯惟據單侯也其禮皆降上公二等  
又自擯者已下亦皆降殺注釋曰云繅藉以五采韋衣  
板者按聘禮記云公侯伯三采朱白蒼子男二采朱綠  
典瑞天子乃五采此諸侯禮而言五采者此注合三采  
二采而言五非謂得有五采也云若莫玉則以藉之者

按覲禮侯氏入門右奠圭再拜稽首此時奠玉則以藉之若然未奠之時於廟門外上介授時已有繅藉矣云冕服著冕所服之衣也者凡服皆以冠冕表衣故言衣先言冕鄭恐冕服是服此冕故云著冕所服之衣也云九章者自山龍以下七章者自華蟲以下五章者自宗彝以下已具於司服云常旌旗也者鄭欲見常與旌旗皆總稱非日月為常者云旂其屬慘垂者也者爾雅云繅帛繅練旒九正幅為繅謂旌旗之幅也其下屬旒故云屬繅垂者也云樊纓馬飾也以屬飾之每一處五采備為一就就成也者此云五采備即中車注五采屬一也此等諸侯皆用五采屬與繅藉異以繅藉之上絢組亦同五采也云三牲備為一牢者聘禮致饗饋云牛一羊一豕一為一牢故知也云朝位謂大門外賓下車及王車出迎所立處也者約聘禮在大門外去門有立位陳介之所云王始立大門內者亦約聘禮聘禮雖後亦不出迎要陳摺介時主君在大門內云交摺三辭乃乘

車而迎之者王與諸侯行禮與諸侯待諸侯同按司儀云諸公相為賓及將幣交擯三辭車逆拜辱立謂既三辭主君則乘車出大門而迎賓是也必知天子待諸侯敵禮者按下文大國之孤繼小國之君不交擯其他皆眠小國之君則諸侯於天子交擯交擯是敵禮也是以齊僕云朝覲宗遇饗食皆乘金路其法儀各以其等為車送逆之節亦是敵禮故鄭此即取之為證也言王立當軫與者差約小向後為尊故疑云與也云廟受命祖之廟也者此約覲禮覲在文王廟故覲禮云前朝皆受舍於朝注云受舍受次於文王廟門之外聘禮受朝聘於先君之祧故知王受覲在受命祖廟在文王廟不在武王廟可知是於受命祖廟也云饗設盛禮以飲賓也者云盛禮者以其饗有食有酒兼燕與食故云盛禮也問問不恙也者恙憂也問賓得無憂也云皆有禮以幣致之者按聘禮勞以幣覲禮使人以璧璧則兼幣是幣致之也先鄭云舉舉樂也者按襄二十六年左氏傳

周禮注疏

云將刑為之不舉不舉則徹樂後鄭易之以為舉牲體者但此經食禮九舉與饗禮九獻相連故以食禮九舉為舉牲體其實舉中可以燕樂以其彼傳亦因舉食而言也先鄭云前疾謂駟馬車轅前胡下垂挂地者謂若斬人斬深四尺七寸軾前曲中是也立謂三享皆束帛加璧庭實惟國所有者聘禮與覲禮行享皆有庭實鄭又引朝士儀為證貢國所有也云朝先享不言朝者朝正禮不嫌有等也者按覲禮行朝訖乃行享此經冕服九章以下唯言享不見朝禮故鄭言之云朝正禮不嫌有等者朝屬路門外正君臣尊卑之禮不嫌有九十七十五十步之差等相迎之法故云不嫌有等也既無等故不言之也宗伯攝裸王與后皆同拜送爵者恭敬之事不可使人代也云不酢之禮聘禮禮賓是與者聘禮禮賓用醴子男雖一裸不酢與聘禮禮賓同子男用鬱鬯不用醴則別約同之故云與以疑之也云九舉舉牲體九飯也者見特牲饋食禮尸食舉尸三飯佐食舉肝

尸又三飯舉骼及獸魚公食不云舉文不具也王日一舉亦謂舉牲體故知生人食有舉法故謂九舉舉牲體不為舉樂也云出入從來訖去也者謂從來時有積訖去亦有積不謂從來訖去共五積若然來去皆五積也知積皆有芻薪米禾者掌客積視殮牽殮有米禾芻薪明在道致積有可知云凡數不同者皆降殺者五等諸侯為三等者以依命數為差故也 凡大國之孤執皮帛以繼小國之君

出入三積不問壹勞朝位當車前不交擯廟中無相以酒禮之其他皆眡小國之君注此以君命來聘者也孤尊既聘享更自以其贄見執束帛而已豹皮表之為飾繼小國之君言次之也朝聘之禮每國畢乃前不交擯

者不使介傳辭交于王之擯親自對擯者也廟中無相  
介皆入門西上而立不前相禮者聘之介是與以酒禮  
之酒謂齊酒也和之不用鬱鬯耳其他謂貳車及介牢  
禮賓主之間擯者將幣裸酢饗食之數音義

相息亮反  
注同李息

文反擊本又作擊音至見賢遍反下文壹疏釋曰按典  
見而見之朝見皆同傳直專反齊才計反疏命上公之

國立孤一人侯伯已下則無故云大國之孤也趙商問  
大行人職曰凡大國之孤執皮帛所尊衆多下云其他

眡小國之君以五為節今此亦五下云諸侯之卿各下  
其君二等以下注云公使卿亦七侯伯亦五子男三不

審大國孤五而卿七何答曰卿奉君命七介孤尊更自  
特見故五介此有聘禮可參之未之思耶反怪此更張

摺介又繼小國之君非私親也然則諸侯之大夫以時  
接見天子服總衰於天子或可有私親結其思好但無  
文耳趙商又問大行人職曰孤出入三積此即與小國  
同宜應視小國之君何須特云三積與例似錯答曰三  
積者卿亦然非獨孤也故不在視小國之中與例似錯  
何所據也然則一勞者亦是卿亦然故須見之若然牢  
禮卿亦五視小國君五牢同其餘則異按聘禮腥牢無  
鮮腊醢醢百甕米百筥禾四十車薪芻倍禾按掌客饗  
餼五牢米八十筥醢醢八十甕米二十車禾三十車薪  
芻倍禾有此別故在視小國之君中然則孤聘天子既  
以聘使受禮又自得禮如是孤法再重受禮也注釋曰  
云此以君命來聘者也者畿外之臣不因聘何以輒來  
故知因君命來聘者也知孤尊既聘享更自以其贄見  
執束帛而已者若行正聘則執瑑圭璋八寸以行聘何  
得執皮帛也但侯伯已下臣來直行公使執圭璋無此  
更見法以大國孤四命尊故天子別見之也按宗伯云

孤執皮帛故云自以其勢見執束帛而已云豹皮表之為飾者宗伯注云天子之孤飾摯以虎皮公之孤飾摯以豹皮也云繼小國之君言次之也者謂行禮次在小國君之後云不使介傳辭交於王之摯者則諸侯行交摯者使介傳於王摯傳而下又傳而上是也云親自對摯者也者則聘禮賓來在末介下東面上摯亦至末摯下親相與言者是也云廟中無相介皆入門西上而立不前相禮者聘之介是與者按聘禮賓行聘之時摯者納賓賓入門左介皆入門左北面西上注云隨賓入也介無事止於此是介入廟門西上不相者也云是與者彼諸侯法約同天子禮故云與以疑之也云以酒禮之酒謂齊酒也者按聘禮禮賓用醴齊明此亦用醴齊對文三酒五齊別通而言之齊亦名酒故云齊酒也云其他謂貳車至之數者此其他中之數一准上子男禮中即孤之所用者也若然子男用鬯裸孤用醴今得入其他中者裸據小國君而言以其孤用醴禮之不酢子男

用裸亦不酢以不酢同故舉小國君裸而言不謂孤用裸也 凡諸侯之卿其禮各下

其君二等以下及其大夫士皆如之注此亦以君命來

聘者也所下其君者介與朝位賓主之間也其餘則自

以其爵聘義曰上公七介侯伯五介子男三介是謂使

卿之聘之數也朝位則上公七十步侯伯五十步子男

三十步與音義

下戶嫁反注同

疏

釋曰云各下其君二等則五等諸侯據上文三等命而言

上公以九侯伯以七子男以五卿自各下其君二等若公之卿以七侯伯卿以五子男卿以三也云及其大夫士皆如之者大夫又各自下卿二等士無聘之介數而言如之者士雖無介與步數至於牢禮之等又降殺大

夫大行人首云以九儀注云九儀謂命者五爵者四爵者四中有士故於此連言士其於此經介與步數則無士也注釋曰引聘義者唯卿各下其君二等仍不見大夫下卿二等按聘禮云小聘使大夫其禮如為介三介彼侯伯之大夫三介則亦三十步若上公大夫五介五十步子男大夫一介一十步可知鄭不言者舉卿則大夫見矣故不言之也

邦畿方千里其外方五百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外

方五百里謂之要服六歲壹見其貢貨物注要服蠻服

也此六服去王城三千五百里相距方七千里公侯伯

子男封焉其朝貢之歲四方各四分趨四時而來或朝

春或宗夏或覲秋或遇冬祀貢者犧牲之屬故書嬪作

嬪鄭司農云嬪物婦人所為物也爾雅曰嬪婦也玄謂

嬪物絲帛也器物尊彝之屬服物玄纁絺纈也材物八

材也貨物龜貝也音義

嬪婢人反絺勅之反劉豬履反纁音曠徐劉古曠反疏

釋曰

此一經見九州諸侯依服數來朝天子因朝即有貢物此因朝而貢與大宰九貢及下小行人春入貢者別彼

二者是歲之常貢也注釋曰云要服蠻服也者職方云蠻服要蠻義一也鄭計七千里者欲見土廣萬里中國七千里為九州有此貢法下云九州之外謂之蕃國以其所貴寶為贄無此貢法也云公侯伯子男封焉者對彼蕃國惟有子男無五等也按馬氏之義六服當面各四分之假令侯服四分之東方朝春南方宗夏西方覲秋北方遇冬南方侯服亦然西方北方皆然甸服已外皆然是以韓侯是北方諸侯而言入覲以其在北方當方分之在西畔故云覲鄭答志云朝覲四時通稱故覲禮亦云朝若然鄭不與馬同觀此注似用馬氏之義者鄭既不與馬同今所解云四方各四分者謂四方諸侯六服服各四分趨四時而來或朝春據王城東方或宗夏據王城南方或覲秋據王城西方或遇冬據王城北方大宰四曰幣貢此中無幣貢者因朝而貢三享中已有幣故不別貢幣也大宰歲歲常貢此依服數來朝因朝而貢數既有異時又不同故彼此物數不類也玄謂

器物尊彝之屬者按大宰云器貢先鄭以為宗廟之器後鄭易之以為器貢銀鐵石磬丹漆不從先鄭此云器物後鄭以為尊彝之屬與彼先鄭同者彼是歲之常貢不合有成器故破之此乃因朝而貢得貢成器故為尊彝解之知因朝得貢成器者見昭十五年六月大子壽卒秋八月穆后崩十二月晉荀躒如周葬穆后籍談為介以文伯宴尊以魯壺王責之分器籍談歸以告叔向叔向曰王其不終乎王一歲而有三年之喪二焉於是乎以喪賓宴又求彝器以此知因朝得貢成器云財物八材也者據大宰云飭化八材也云貨物龜貝也者貨是自然之物故知龜貝謂若禹貢揚州納錫大龜厥篚織貝此注所貢絲枲若青州鹽絺岱畎絲枲荊州厥篚之類九州之外謂之蕃國世壹見各以其所貴寶為摯注九州之外夷服鎮服蕃服也曲禮曰其在東夷北狄

西戎南蠻雖大曰子春秋傳曰杞伯也以夷禮故曰子然則九州之外其君皆子男也無朝貢之歲父死子立及嗣王即位乃一來耳各以其所貴寶為贄則蕃國之君無執玉瑞者是以謂其君為小賓臣為小客所貴寶見傳者若犬戎獻白狼白鹿是也其餘則周書王會備

焉音義

見賢遍反一音見如字傳直德反又直專反

疏

注釋曰云九州之外夷服鎮服蕃服也者

此經總而言之皆曰蕃分為三服據職方而言也云曲禮曰在東夷北狄西戎南蠻雖大曰子并引春秋者欲見蕃國之內惟有子男無五等也按僖二十七年杞桓公來朝用夷禮故曰子用夷禮猶曰子况本在彼者也

按書序武王既勝殷巢伯來朝注云巢伯南方之國世一見者夷狄得稱伯者彼殷之諸侯與周異也云父死子立及嗣王即位乃一來耳者此經世中含二父死子立須得受王命故須來新王即位亦須來故明堂位周公朝諸侯於明堂四夷皆在四門之外周公攝位與新王同况成王新即位也云各以其所貴寶為摯則蕃國之君無執玉瑞者既以貴寶為摯何得有別摯乎是以禹會諸侯執玉帛者萬國唯謂中國耳九州為大賓大客夷狄為小賓小客按周語穆王初伐犬戎祭公謀父諫不聽遂往征之得四白鹿以歸引之者見是夷狄貴寶此穆王征之而非自來者亦以此為摯也云周書王會備馬者王會是書之篇名謂王會諸侯因有獻物多矣故王之所以撫邦國諸侯者歲徧存三歲徧頰五云備也

歲徧省七歲屬象胥諭言語協辭命九歲屬瞽史諭書

名聽聲音十有一歲達瑞節同度量成牢禮同數器脩

灋則十有二歲王巡守殷國注撫猶安也存覘省者王

使臣於諸侯之禮所謂間問也歲者巡守之明歲以為

始也屬猶聚也自五歲之後遂間歲徧省也七歲省而

名其象胥九歲省而名其瞽史皆聚於天子之宮教習

之也故書協辭命作叶詞命鄭司農云象胥譯官也叶

當為汁詞當為辭書或為叶辭命立謂胥讀為譖王制

曰五方之民言語不通者愆不同達其志通其愆東方

曰寄南方曰象西方曰狄鞮北方曰譯此官正為象者  
周始有越重譯而來獻是因通言語之官為象胥云譯  
謂象之有才知者也辭命六辭之命也瞽樂師也史太  
史小史也書名書文字也古曰名聘禮曰百名以上至  
十一歲又徧省馬度丈尺也量豆區釜也數器銓衡也  
灋八灋也則八則也達同成脩皆謂齊其灋式行至則  
齊等之也成平也平其僭踰者也王巡守諸侯會者各  
以其時之方書曰遂覲東后是也其殷國則四方四時

分來如平時音義

屬徐劉皆章東反下及注同叶音協詞音辭譯音亦汁之十反叶也又音

協諸思叙反者市志反慾音欲本多作欲鞮丁疏釋曰

兮反重直龍反知音智上時掌反齋子兮反

疏

此經

並是王撫諸侯之事對上經皆是諸侯上撫王室之事

注釋曰云存覲省者王使臣於諸侯之禮者亦對上諸

侯朝王之禮也云所謂間問也者即上文云間問以諭

諸侯之志者也知歲謂從巡守之明歲為始者以其巡

守已就撫諸侯訖明以後年為始也云屬猶聚也者州

長職云正月之吉各屬其州之民而讀法故知屬為聚

也云自五歲之後遂間歲徧省也者但經一歲與三歲

五歲云存覲省至七歲九歲十一歲不云省不言者以

五歲已言省義可知故直見其事意也是以鄭皆連省

而言也云皆聚於天子之宮教習之也者既言屬明聚

於天子之宮若不聚於天子之宮焉得論言語論書名

聽音聲之等乎明是皆聚于天子宫教習之也玄謂胥

讀為譯者欲取譯為有才智之意也引王制曰五方之民者謂四方與中國言語不通嗜慾不同違其志通其慾故云東方曰寄已下疏已具於序官云辭命六辭之命也者以辭命連言明是大祝六辭之教命也云替樂師也史大史小史也者樂師與大史小史竝是知天道者故國語云吾非替史馬知天道鄭上注替即太師是也云書名書文字也古曰名引聘禮記者證古曰名今世曰字云度丈尺也者按律歷志以子穀秬黍中者一黍為一分九十黍黃鍾之長十分為寸十寸為尺十尺為丈十丈為引千二百黍為籥合籥為合十合為升十升為斗十斗為斛又云百黍為銖二十四銖為兩十六兩為斤三十斤為鈞四鈞為石此直云丈尺略言之也云量豆區釜也者據左氏傳晏子云齊舊四量豆區釜鍾四升為豆各自其四以登於釜釜十則鍾鍾為六斛四斗云數器銓衡也者即銖兩之等是也云灋八灋也則八則也者據大宰云八灋治官府八則治都鄙諸侯

國有都鄙官府以此濶則治之故須脩之云遠同成脩皆謂齊其濶式者經瑞節度量宰禮數器下至濶則等八者皆天子濶式之等當豫修治使輕重大小方圓皆正然後將以齊諸侯器物故云行至則齊等之云平其僭踰者也者若牢禮云侯伯子男卿大夫士依上文及掌客多少皆有常不得僭上故云平其僭踰也云王巡守諸侯會者各以其時之方者謂歲二月東方五月南方之等據春而言故言書曰遂觀東后是也竝據虞書及王制而言亦有同度量等事故虞書云脩五禮五玉并協時月正日之等云殷國則四方四時分來如平時者謂分四方各遂春夏秋冬如平時也

凡諸侯之王事辨其

位正其等協其禮賓而見之注王事以王之事來也詩

云莫敢不來王孟子曰諸侯有王音義

賓劉云應言擯小行人職同

疏

釋曰王事謂諸侯朝王之事辨其位謂九十七十五

十步之位正其等謂尊卑之等謂冕服旌旗載車之類皆有等級協其禮謂牢禮饗燕積膳之禮以此禮賓敬而見之也

注釋曰引詩孟子皆謂王是朝王之事也

若有大喪則相諸侯之禮注詔相左右教告之也音義

相息亮

注釋曰大喪言若見有非常之禍諸侯為天

反注同疏

子斬其有哭位周旋擗踊進退皆有禮法左

右助也須有助而告教之也

若有四方之大事則受其幣聽其辭注

四方之大事謂國有兵寇諸侯來告急者禮動不虛皆

有幣幣以崇敬也受之以其事入告王也聘禮曰若有

言則以束帛如享禮疏

注釋曰云四方之大事謂國有兵寇者除兵寇之外諸侯當國

自為大事者非天子之急不即告王故知惟兵寇耳引聘禮者彼雖是諸侯自相告告天子亦然故引為證也彼注云春秋臧孫辰告糴于齊公子遂如楚乞師晉侯使韓穿來言汶陽之田皆是也 凡諸侯之

邦交歲相問也殷相聘也世相朝也注小聘曰問殷中

也久無事又於殷朝者及而相聘也父死子立曰世凡

君即位大國朝焉小國聘焉此皆所以習禮考義正刑

一德以尊天子也必擇有道之國而就脩之鄭司農說

殷聘以春秋傳曰孟僖子如齊殷聘是也疏釋曰言諸侯邦交謂

同方嶽者一往一來為交謂已是小國朝大國已是大國聘小國若敵國則兩君自相往來故司儀有諸公諸

侯皆言相為賓是也但春秋之世有越方岳相聘者是  
以秦使術來聘吳使札來聘時國數少故然非正法也  
注釋曰云小聘曰問者聘禮文故彼云小聘曰問不享  
是也大聘使御小聘使大夫也云殷中也久無事又於  
殷朝者及而相聘也者聘義王制皆云三年一大聘此  
不言三年而云殷者欲見中間久無事及殷朝者來及  
亦相聘故云殷不云三年也若然聘義與王制皆云比  
年一小聘此云歲相問不云比年者取歲歲之義也世  
相朝者謂父死子立曰世是繼世之義也云凡君即位  
大國朝焉小國聘焉者左氏傳文按文元年公孫敖如  
齊傳曰凡君即位卿出竝聘謂已卿往聘他他卿來聘  
已足是總語也云大國朝焉已是小國已往朝大國小國  
聘焉者已是大國使聘小國云此皆所以習禮考義正  
刑一德以尊天子也者禮記文云必擇有道之國而就  
脩之者謂差擇有道之國亦先從近始故云親仁善鄰  
國之寶也是也先鄭說殷聘以春秋傳者按左氏昭公

九年傳曰孟僖子如齊殷聘禮也按服彼注云殷中也自襄二十年叔老聘於齊至今積二十一年聘齊故中復盛聘與此中年數不相當引之者年雖差遠用禮則同故引為證也

小行人掌邦國賓客之禮籍以待四方之使者注禮籍

名位尊卑之書使者諸侯之臣使來者也音義

使色吏反注同

後使者使適使之四方竹使使臣皆同

疏

釋曰大行人待諸侯身小行人待諸侯之使者其邦之禮籍則

諸侯及臣皆在馬注釋曰云禮籍名位尊卑之書者名位尊卑以解禮也之書以解籍也云使者諸侯之臣使

來者也者即時聘殷覲是也

令諸侯春入貢秋獻功王親受之各以

其國之籍禮之注貢六服所貢也功考績之功也秋獻

之若今計文書斷於九月其舊法疏

釋曰此云貢即大宰九貢是歲之常

貢也必使春入者其所貢之物竝諸侯之國出稅於民民稅既得乃大國貢半次國三之一小國四之一皆市取美物必經冬至春乃可入王以是令春入之也秋獻功者物皆秋成諸侯亦法秋故秋獻之云各以其國之籍禮之者即上所掌禮籍尊卑多少不同故云各以其籍也注釋曰云六服所貢對九州外之三服無此貢也

凡諸侯入王則逆勞于畿注鄭司農云入王朝於王也

故春秋傳曰宋公不王又曰諸侯有王王有巡守疏

注釋

曰隱九年宋公不王不宗覲于王鄭伯為王左卿士以王命討之伐宋也莊二十三年夏公如齊觀社非禮曹刺諫曰不可諸侯有王王有巡守非是君不舉矣注云有王朝於王是也

及郊勞胝館將幣

為承而擯注眡館致館也承猶丞也王使勞賓於郊致

館於賓至將幣使宗伯為上擯皆為之丞而擯之音義

眡音

疏

釋曰此經三事皆為丞而擯之注釋曰云眡館致館也者聘禮及下司儀皆云致館故同之也

云眡者使卿大夫往眡觀其可否云致者致使有之云王使勞賓於郊者謂王使大行人勞於郊也至將幣者謂至廟將幣三享云使宗伯為上擯者惟謂將幣時大宗伯為上擯於郊勞及眡館二者不使大宗伯為上擯者以其使者或大行人官卑何得使大宗伯為擯也當別遣餘官為上擯小行人為承擯而言宗伯為上擯者取宗伯成文為凡四方之使者大客則擯小客則受其將幣而言也

幣而聽其辭注擯者擯而見之王使得親言也受其幣

者受之以入告其所為來之事音義

為于疏釋曰云凡偽反

者此文與下為目則於大小客而言也大客則擯者大客則大行人云大客之儀一也彼鄭云大賓要服以內諸侯大客謂其孤卿則此大客為要服以內諸侯之使臣也小客謂蕃國諸侯之使臣也注釋曰云擯者擯而見之王使得親言也者則時聘殷覲之時行旅擯入見王王與使者親言也云受其幣者受之以入告其所為來之事者蕃國諸侯雖子男皆是中國之人鄭義此皆在朝之卿大夫有過放之於四夷為諸侯卿為子大夫為男是以世一見來時王親見之蕃國之使臣本是夷人不能行禮故直聽其辭而已

使適四方

協九儀賓客之禮朝覲宗遇會同君之禮也存覲省聘

問臣之禮也注適之也協合也疏

釋曰自此以下至之禮皆是小行人使適

四方之事此言使適四方與下為目使適四方向諸侯之國所至之國則合九等之儀九儀則上大行人九儀命者五爵者四是也云賓客之禮者賓據命者五客據爵者四此稱賓客之例非通稱也云朝覲宗遇會同君之禮也者此即諸侯之賓故云君之禮也云存覲省聘問臣之禮也者存覲省三者天子使臣撫邦國之禮聘問二者是諸侯使臣行時聘殷覲聘問天子之禮其禮已備於上小行人略言之也

達天下之六

節山國用虎節土國用人節澤國用龍節皆以金為之

道路用旌節門關用符節都鄙用管節皆以竹為之注

此謂邦國之節也達之者使之四方亦皆齋法式以齊等之也諸侯使臣行覲聘則以金節授之以為行道之

信也虎人龍者自其國象也道路謂鄉遂大夫也都鄙

者公之子弟及卿大夫之采地之吏也凡邦國之民遠

出至他邦他邦之民若來入由國門者門人為之節由

關者關人為之節其以徵令及家徙鄉遂大夫及采地

吏為之節皆使人執節將之以達之亦有期以反節管

節如今之竹使符也其有商者通之以符節如門關門

關者與市聯事節可同也亦所以異於畿內也凡節有

天子法式存於國疏

釋曰此經亦是適四方之事言達天下之六節者據諸侯國而言掌

節所云據畿內也虎節人節龍節三者據諸侯使臣出聘所執旌節符節管節三者據在國所用注釋曰云此謂邦國之節也者對掌節所掌者兼主王國之節也云達之者使之四方亦皆齋法式以齋等之也者亦如上大行人達瑞節之等使齋法式往就齊之云諸侯使臣行規聘則以金節授之者知是使臣行所執者見掌節云凡邦國之使節山國用虎節故知此亦使臣所執也諸侯身行不須節以其尊者故不須也按掌節云守邦國者用玉節注云謂諸侯於其國中玉節之制如王為之以命數為大小此不達玉節者文略耳亦達可知云道路謂鄉遂大夫也者按掌節注變鄉遂言道路者容公邑大夫及小都大都之吏今此旌節中何知不亦容都鄙之吏而以都鄙吏在管節中者彼都鄙用角節文在上當直是都鄙之主此都鄙用管節最在下明都鄙吏在其中若然邦國之中都鄙主及吏同用管節矣知公之子孫亦有采地者見禮運云諸侯有國以處其子

孫故知亦如王之子弟以親疏食采也云凡邦國之民  
遠出至他邦他邦之民若來入由國門者門人為之節  
由關者關人為之節者司關云掌國貨之節以聯門市  
故知所由之處皆得授之節也云其以徵令及家徙鄉  
遂大夫及采地吏為之節者以其皆主民故授民節也  
云皆使人執節將之以達之者比長云邦之民徙於郊  
則從而授之明皆將送使達前所也云管節如今之竹  
使符也者漢文本紀文帝六年九月初與郡國守相為  
銅虎符竹使符應劭曰竹使符皆以竹箭五枚長五寸  
鐫刻篆書第一至第五是也云其有商者通之以符節  
如門關門關者與市聯事節可同也者掌節云貨賄用  
璽節門關用符節各別司關既言掌國貨之節以聯門  
市門市節既相聯此中無貨賄用璽節明同用符節可  
知故為此解也云亦所以異於畿內也者畿內貨賄用  
璽節門關用符節畿外同用符節是異也云凡節有天  
子法式存於國者雖無正文以意量王者皆頒度量於

天下其節瑞之等皆是法式故知國國皆有瑞節法式也

成六瑞王用璜圭公用桓

圭侯用信圭伯用躬圭子用穀璧男用蒲璧注成平也

瑞信也皆朝見所執以為信音義

璜劉吐電反按王執鎮圭璜宜作鎮音

疏

釋曰此亦通四方若然諸侯國無鎮圭因言之六瑞玉人所造典瑞之令小行人直平知得失而已不言

達六瑞者諸侯受命已得之不令別作法式以齊故不言達也

合六幣圭以馬璋以皮

璧以帛琮以錦琥以繡璜以黼此六物者以和諸侯之

好故注合同也六幣所以享也五等諸侯享天子用璧

享后用琮其大各如其瑞皆有庭實以馬若皮皮虎豹

皮也用圭璋者二王之後也二王後尊故享用圭璋而特之禮器曰圭璋特義亦通於此其於諸侯亦用璧琮耳子男於諸侯則享用琥璜下其瑞也凡二王後諸侯相享之玉大小各降其瑞一等及使卿大夫覲聘亦如

之音義

琮才宗反琥音虎璜音黃好呼報反

疏

釋曰此亦小行人至諸侯之國也此六者之中有圭

以馬璋以皮二者本非幣云六幣者二者雖非幣帛以用之當幣處故總號為幣也此六言合以兩兩相配配合之義故言合也注釋曰云合同者配合即是和同故也云六幣所以享也者對上文六者是朝時所用也云五等之諸侯享天子用璧享后用琮其大各如其瑞者玉人云璧琮九寸諸侯以享天子注享獻也聘禮享君

以璧享夫人以琮引此者欲明君用琮故覲禮享天子云束帛加璧是其施於天子也不言享后文不具言九寸據上公而言明侯伯子男皆如瑞知子男享天子亦用璧琮者覲禮總稱侯氏用璧明五等同也云皆有庭實以馬若皮者按覲禮三享皆束帛加璧庭實惟國所有奉束帛匹馬卓上九馬隨之中庭西上是其以馬也聘禮奉束帛加璧享庭實皮則攝之是其用皮也聘禮記曰皮馬相間可是也知皮虎豹皮也者郊特牲云虎豹之皮示服猛也是享時所用故知也云用圭璋者二王之後也二王後尊故享用圭璋而特之者按玉人璧琮九寸諸侯以享天子言九寸則上公之禮上公用璧琮則圭璋是二王後明矣言而特之者惟有皮馬無束帛可加故云特如是皮馬不上堂陳於庭則皮馬外別有庭實可知其於諸侯亦用璧琮知者見玉人職云瑑琮八寸諸侯以享夫人明享君用璧亦八寸是下享天子一寸如是明二王後相享不可同於天子用圭璋則

用璧琮可知言是兩公自相朝二王後稱公是於諸侯  
還同二王後可知引禮器者彼圭璋者據朝聘時所行  
無束帛可加是圭璋特之義也云亦通於此者彼朝聘  
之圭特亦通此享用圭璋故云亦通於此也云子男於  
諸侯享用琥璜下其瑞也者覲禮子男已入侯氏用璧  
琮中則此琥璜不知何用二王後自相享退入璧琮則  
子男自相享退用琥璜可知且子男朝時用璧自相享  
降一等故用琥璜云凡二王後諸侯相享之玉大小各  
降其瑞一等者玉人云瑑琮八寸諸侯以享夫人禮更  
無用八寸之法明是上公九寸降一等至八寸上公既  
降一寸則侯伯子男各降一等可知二王後相朝敵無  
用相尊之法明亦降一寸其子男者雖退入琥璜亦降  
一寸可知若然知五等諸侯自相朝圭璋亦如其命數  
其相享璧琮等則降一寸知者玉人云璧琮八寸諸侯  
以享夫人據上公身不云圭璋朝所執者明圭璋自朝  
天子所執故聘禮云所以朝天子圭與纁皆九寸上公

之玉也問諸侯朱綠纁八寸注云於天子曰朝於諸侯  
曰問記之於聘文互相備以此上公為然侯伯子男可  
知也云及使卿大夫覲聘亦如之直言覲聘亦如之不  
分別享與聘則聘享皆降一等同故玉人云瑑圭璋八  
寸璧琮八寸以覲聘此據上公之臣圭璋璧琮皆降一  
等其餘侯伯子男降一寸明矣其子男之臣享諸侯不  
得過君用

琥璜可知

若國札喪則令賻補之若國凶荒則令調委

之若國師役則令槁禮之若國有福事則令慶賀之若  
國有禍裁則令哀弔之凡此五物者治其事故注故書  
賻作傳槁為橐鄭司農云賻補之謂賻喪家補助其不  
足也若今時一室二尸則官與之棺也橐當為槁謂槁

師也玄謂師後者國有兵寇以匱病者也使鄰國合會

財貨以與之春秋定五年夏歸粟於蔡是也宗伯職曰

以禮禮哀圍敗禍哉水火音義

稿苦報反禮音會橐古老反

疏

釋曰此一

經據上下文皆據諸侯國此文雖皆單言國亦據諸侯而言按宗伯云以喪禮哀死亡此云國札喪則今賻補之不同者彼據弔葬致哀此據設財物補其不足相包乃具也又此國凶荒則今賻委之宗伯云以荒禮哀凶札不同者言荒凶札者自賤損故曲禮云歲凶年穀不登君膳不祭肺之類是也此云賻委者今他人以財賻委之亦相包乃成也宗伯嘉禮歸賑膻此不見者諸侯無自相歸賑膻法故也但凶禮有五惟不見恤禮以義差之當於師役中兼之嘉禮有六此惟言賀慶一者其飲食冠昏賓射饗燕之法皆當國自行非是相交通之

物故此不言之其吉禮軍禮賓禮並不言者天子頒之非所以通行之事故不言也但此中札喪在喪禮中宗伯凶札在荒禮中者欲見札而復荒則與荒札同科若札而不荒自從喪禮也注釋曰春秋定五年夏歸粟於蔡者按定四年秋楚人及其萬民之利害為一書其禮圖蔡故五年歸其粟

俗政事教治刑禁之逆順為一書其悖逆暴亂作慝猶犯令者為一書其札喪凶荒厄貧為一書其康樂和親安平為一書凡此物者每國辨異之以反命于王以周

知天下之故注慝惡也猶圖也音義

治直吏反  
樂音洛

疏

此釋曰  
總

陳小行人使適四方所採風俗善惡之事各各條錄別為一書以報上也此五者上二條條別善惡俱有故利

害逆順並言其悖逆一條專陳姦寇之事其札喪一條  
專陳凶禍之事其康樂一條專陳安泰之事是方以類  
聚物以羣分者也

周禮注疏卷三十七

周禮注疏卷三十七考證

大行人春朝諸侯而圖天下之事疏大宗伯云時見曰會○監本脫曰會二字今据原文補之

上公之禮注常旌旗也○旗監本訛作苻今改正

疏聘禮禮賓用醴子男雖一裸不酢○雖係唯字之訛


九州之外疏穆王初伐犬戎○初國語作將又得四白鹿以歸國語四白鹿上有四白狼三字

周禮注疏卷三十七考證

謹案卷三十六後七行疏吉蠲為饕刊本吉訛潔  
據詩經改

第三十三頁後七行注察囂謹者刊本謹訛據今  
改





覆校官編修臣劉種之

校對官編修臣李光雲

膳錄監生臣孟錫山

膳錄舉人臣王嵩齡

欽定四庫全書薈要

經部

周禮注疏卷三十八

詳校官編修臣程嘉謀



周禮注疏卷三十八

漢鄭氏注 唐陸德明音義 賈公彥疏

**司儀**掌九儀之賓客擯相之禮以詔儀容辭令揖讓之

**節注**出接賓曰擯入贊禮曰相以詔者以禮告王音義

相息亮反此職內經注除相為賓相朝相授

相親相隨相待相為國客相聘相禮皆同 疏釋曰此

下諸侯文為目言九儀是大行人九儀命者五爵者四

是也儀容辭令揖讓之節並見下文注釋曰云出接賓

曰擯者即下文交擯而在門外是也云入贊禮曰相者

下文及廟惟上相入是也云詔者以禮告王者即下云

詔王儀是也

將合諸侯則令爲壇三成宮旁一門注合諸侯

謂有事而會也爲壇于國外以命事宮謂壇土以爲牆處所謂爲壇壇宮也天子春帥諸侯拜日於東郊則爲壇於國東夏禮日於南郊則爲壇于國南秋禮山川丘陵於西郊則爲壇於國西冬禮月四瀆於北郊則爲壇於國北既拜禮而還加方明於壇上而祀焉所以教尊尊也覲禮曰諸侯覲於天子爲宮方三百步四門壇十有二尋深四尺是也王巡守殷國而同則其爲宮亦如

此與鄭司農云三成三重也爾雅曰丘一成為敦丘再

成為陶丘三成為昆侖丘謂三重音義

壇惟癸反劉欲鬼反與音餘下

尺與同重直龍反下三重重耳同敦音

疏釋曰云將合頓沈又都門反陶徒刀反命力門反

也謂時見曰會云則命為壇三成者謂封人為壇三成  
注釋曰云有事而會也者春秋左氏傳文但春秋時有  
事而會不協而盟是霸者法引之者時雖不同為有事  
而行會禮則同故引以為證云為壇于國外以命事者  
宮方三百步明在國外也言命事則上大行人云時會  
以發四方之禁禁即九伐是其事也云宮謂壇土以為  
壇處所謂為壇壇宮也者所謂掌舍但掘地為塹壇土  
為壘埒當壇處故云壇處也云天子春帥諸侯自此已  
下至國北皆覲禮文其為壇之語鄭加之耳云既拜禮  
而還加方明於壇上而祀焉所以教尊尊也者言教尊

尊者天子親自拜日禮月之等是尊尊之法教諸侯以下尊敬在上者也引覲禮者是見為壇大小尺寸之法據時會諸侯為壇之法云王巡守殷國者謂巡守就方岳為壇殷國就王國左右為壇皆如時會云如此與者約同之故云與以疑之先鄭引爾雅者見三成者三重高一尺 詔王儀南鄉見諸侯

土揖庶姓時揖異姓天揖同姓注謂王既祀方明諸侯上介皆奉其君之旂置于宮乃詔王升壇諸侯皆就其旂而立諸公中階之前北面東上諸侯東階之東西面北上諸伯西階之西東面北上諸子門東北面東上諸男門西北面東上王揖之者定其位也庶姓無親者也

土揖推手小下之也異姓昏姻也時揖平推手也衛將

軍文子曰獨居思仁公言言義其聞詩也一日三復白

圭之玷是南宮縚之行也夫子信其仁以為異姓故妻

之也天揖推手小舉之音義

復音服或芳服反玷丁簞反沈都念反縚吐刀反行

下孟疏

釋曰詔告也謂諸侯各就位立王在壇亦立司儀乃告王降壇南向見諸侯乃揖之土揖庶姓

已下先疏後親為次按隱十一年滕侯薛侯來朝爭長云周之宗盟異姓為後是先同姓今此先庶姓後同姓者此經直據揖之儀容從下至高不據盟之先後也注釋曰云謂王既祀方明諸侯上介皆奉其君之旂置于宮乃詔王升壇諸侯皆就其旂而立者案覲禮云諸侯覲于天子為宮方三百步四門壇十有二尋深四尺加

方明於其上方明者木也方四尺設六色東方青南方赤西方白北方黑上玄下黃設六玉上圭下璧南方璋西方琥北方璜東方圭上介各奉其君之旂置于宮尚左公侯伯子男皆就其旂而立四傳擯天子乘龍載大旂象日月升龍降龍出拜日於東門之外反祀方明注引朝事儀曰天子冕而執鎮圭尺有二寸纁籍尺有二寸搢大圭乘大路建大常十有二旒樊纓十有二就貳車十有二乘帥諸侯而朝日於東郊所以教尊尊也退而朝諸侯由此二者言之已祀方明乃以會同之禮見諸侯也若然覲禮上介奉君之旂置于宮尚左及公侯伯子男就其旂而立并四傳擯者竝陳設其位其立當在祀方明後是以彼下文乃始云拜日之禮反祀方明之事故彼置旂于宮之下注云置于宮者建之豫為其君見王之位也是其未即立也此鄭注依次第而言故云謂王既祀方明諸侯上介皆奉其君之旂置于宮乃詔王升壇諸侯皆就其旂而立也云諸公中階之前至

諸男門西北面東上皆明堂位周公朝諸侯之禮覲禮注亦引之證五等諸侯立位處所也皆以近王為上云王揖之者定其位也若此約燕禮云卿大夫皆入門右北面立公降階揖之卿得揖東廂西面大夫得揖中庭少進北面其位乃定此王揖亦得揖乃定有少別者彼諸侯揖臣臣皆北面得揖就位此五等立已在位王揖之逡巡而已位乃定是其別也凡揖皆推手至於擡即引手為異也衛將軍文子者此大戴禮文引之證有異姓之事也案大戴禮文衛將軍文子問子貢曰蓋受教者七十有餘人間之孰為賢子貢對之歷陳諸子行遂陳南宮縚之行此乃子貢之辭而云衛將軍文子及者曰者此實子貢辭篇名衛將軍文子故引篇名耳及其擯之各以其禮公於上等侯伯於中等子男於下等注謂執玉而前見於王也擯之各以其禮者謂擯公者五

人侯伯四人子男三人也上等等中等下等者謂所奠玉處也壇三成深四尺則一等一尺也壇十有二尋方九十六尺則堂上二丈四尺每等丈二尺與諸侯各於其等奠玉降拜升成拜明臣禮也既乃升堂授王玉音義

見賢疏

釋曰此即上四傳擯之時也四傳擯彼注云公也侯也伯也各一位子男侯門而俱東上亦一

位是子男共為位故共一擯也注釋曰下云將幣據三享故知此文擯之據執玉見王也云擯之各以其禮者謂擯公者五人侯伯四人子男三人也者大行人云公擯者五人已下此云擯之各以其禮是據擯為數不據餘禮也云上等等中等下等者謂所奠玉處也者上云為壇三成此言三等明據三等壇奠玉處而言也云壇三

成者據上文云深四尺者覲禮文云則一等一尺已下鄭君以意解之無正文一等為一尺發地一尺上有三成為三尺總四尺也鄭注覲禮云從上向下為深故云深四尺云壇十有二尋者覲禮文云方九十六尺者尋八尺計之所得九十六尺云則堂上二丈四尺每等丈二尺與者並鄭以意解之故云與以疑之上二丈四尺為堂王立之處并祀方明之所云諸侯各於其等奠玉降拜升成拜明臣禮也若公奠玉於上等降拜於中等侯伯奠玉於中等降拜於下等子男奠玉於下等降拜於地及升成拜皆於奠玉之處必知有降拜升成拜者亦約燕禮臣得君酬酒皆降拜君使小臣辭之乃升成拜明此王禮亦然言成拜者鄉於下拜之時王使人辭下拜之不成故於升乃更成前拜故云成拜是敬上之禮故云明臣禮也云既乃升堂授王玉者禮法禮敵並授禮不敵者訝受此行臣禮則諸侯皆北面授之於堂上也王既受玉約聘禮亦當側授宰玉此壇上無坻不

得取明堂位崇北亢圭為義也其將幣亦如之其禮亦如之注將幣享

也禮謂以鬱鬯裸之也皆於其等之上疏

釋曰云將幣者即將幣三

享一也但彼大行人據在廟此據在壇云亦如之者璧以帛琮以錦如前公於上等之類云其禮亦如之者即大行人上公再裸而酢亦如公於上等之類也王燕則諸侯毛注謂以須髮坐

也朝事尊尊上爵燕則親親上齒鄭司農云謂老者在

上也老者二毛故曰毛音義

毛謂須髮也劉本作毫音毛

疏注釋曰此燕則

公三燕侯伯再燕子男一燕云朝事尊尊上爵者依爵尊卑為先後云燕則親親上齒者此乃不問爵之尊卑

取以年齒為先後也凡諸公相為賓注謂相朝也疏

注釋曰云相朝則是兩公

自相朝故下經云諸侯諸伯諸子諸男相為賓客以禮相待並是兩諸侯相朝之事也

主國五積

三問皆三辭拜受皆旅擯再勞三辭三揖登拜受拜送注賓所停止則積間闕則問行道則勞其禮皆使卿大夫致之從來至去數如此也三辭辭其以禮來於外也積問不言登受之於庭也鄭司農云旅讀為旅於泰山之旅謂九人傳辭相授於上下竟問賓從末上行介還受上傳之玄謂旅讀為鴻臚之臚臚陳之也賓之介九人使者七人皆陳擯位不傳辭也賓之上介出請使者

則前對位皆當其末擯焉三揖謂庭中時也拜送送使

者音義

族如字又音臚力於反傳直專反下除春疏注

釋

曰云賓所停止則積者謂遣人云十里有廬廬有飲食  
三十里有宿宿有委五十里有市市有積是也云間闕  
則問者上注問問不恙也云行道則勞者謂勞苦之云  
皆使卿大夫致之者彼聘禮遣卿行勞禮臣來尚遣卿  
勞明君來遣卿勞可知此再勞一勞在境一勞在遠郊  
皆使卿其近郊勞當主君親為之也其積問當使大夫  
故下文云致飧如致積之禮注云俱使大夫禮同也知  
致飧使大夫者見聘禮宰夫朝服設飧宰夫即大夫問  
亦小禮明亦使大夫也云從來至去數如此也者五積  
三問再勞來去皆有此數故云數如此也先鄭云旅饋  
為旅於泰山之旅謂九人傳辭相授於上下竟問賓從  
末上行介還受上傳之者此先鄭以為旅擯與交擯同

之後鄭不從者此臣禮云旅擯下文云主君郊勞交擯三辭明其別旅直陳擯介不傳辭交則一往一來傳辭也云玄謂旅請為鴻臚之臚臚陳之也者案爾雅釋詁云尸旅陳也釋言云豫臚叙也注云皆陳叙也後鄭不從旅泰山之旅從臚者欲取叙義也云賓之介九人者自從公介九人之禮云使者七人者自從降二等之禮云皆陳擯位不傳辭也賓之上介出請使者則前對位皆當其末擯焉者此皆約聘禮主君大門內迎聘賓之位也云三揖謂庭中時也者如聘禮入門揖當曲揖當碑揖是也

**主君郊勞交擯三辭**

**車逆拜辱三揖三辭拜受車送三還再拜**注主君郊勞

備三勞而親之也鄭司農云交擯三辭謂賓主之擯者俱三辭也車迎主人以車逆賓於館也拜辱賓拜謝辱

也玄謂交摺者各陳九介使傳辭也車迎拜辱者賓以主君親來乘車出舍門而迎之若欲遠就之然見之則下拜迎謝其自屈辱來也至去又出車若欲遠送然主君三還辭之乃再拜送之也車送迎之節各以其等則諸公九十步立當車軹也三辭重者先辭辭其以禮來

於外後辭辭升堂疏

釋曰此當近郊勞交摺三辭者主君至郊郊有館舍賓在內主君至

館大門外主君北面而陳此九介去門九十步東面賓在大門內於門外之東亦陳九介西面不陳五摺者非主君從賓禮故也三辭者賓一辭主君以禮來於外車迎拜辱者傳辭既訖賓乘車出大門迎主君至主君處

下車拜主君屈辱自至郊也三揖者入門及當曲當碑  
為三揖三辭者辭讓升堂拜受賓再拜乃受幣主君亦  
當拜送不言省文也車送者賓乘車出門就主君若欲  
遠送之三還者主君見賓送已三還辭之再拜者賓見  
主君辭遂再拜送主君也注釋曰云備三勞而親之也  
者大行人有三問三勞之文也主君身自勞是親之也  
先鄭云車逆主人以車迎賓於館也拜辱賓拜謝辱也  
從鄭不從者此直是備三勞既來至國何有輒迎賓於  
館乎玄謂各陳九介者以其在道俱不為主故無五楮  
之事故各陳九介也云立當車軹也者賓主俱立當軹  
大行人文云後辭辭升堂者案鄉飲酒禮主人取爵降  
洗賓降主人坐奠爵於階前辭注云事同曰讓事異曰  
辭禮升堂是事同不云讓而云辭者此賓主敵者主人  
之意欲有受於庭之心故從事異曰辭是以下諸公之  
臣等升堂皆云讓依事同曰讓非敵故聘義云三讓而  
後傳命三讓而後入廟門並事異不云辭者欲取致尊

讓之意變文耳又彼記文非正經故不為例也致館亦如之注館舍也使大夫

授之君又以禮親致焉疏釋曰凡云致者皆有幣以致

如之者上主君郊勞此親致館明亦如之也注釋曰鄭

知使大夫授舍者見聘禮云大夫帥至館卿致之以此

知先遣大夫授館也致飧如致積之禮注俱使大夫禮

同也飧食也小禮曰飧大禮曰饗餼音義飧素尊疏注

曰上公飧五牢賓始至之禮故致館後即言之云如致

積之禮者積在道已致故云如之以其俱小禮不使卿

故云俱使大夫禮同也云飧食也者以其有芻薪米禾

食之類故云食也云小禮曰飧者聘禮使宰夫設飧禮

物又少故曰小云大禮曰饗餼者以其有脰有牽芻薪

米禾又多故曰大是以聘禮記云聘日致饗注云急歸

大禮又以下文致饗餼亦在將幣後即致之也

及將幣交擯三辭車逆拜辱賓

車進答拜三揖三讓每門止一相及廟唯上相入賓三揖三讓登再拜授幣賓拜送幣每事如初賓亦如之及出車送三請三進再拜賓三還三辭告辟注鄭司農云交擯擯者交也賓車進答拜賓上車進主人乃答其拜也及出車送三請主人三請留賓也三進進隨賓也賓三還三辭告辟賓三還辭謝言已辟去也玄謂既三辭主君則乘車出大門而迎賓見之而下拜其辱賓車乃

前下答拜也三揖者相去九十步揖之使前也至而三讓讓入門也相謂主君擯者及賓之介也謂之相者於外傳辭耳入門當以禮詔備也介紹而傳命者君子於其所尊不敢質敬之至也每門止一相彌相親也君入門介拂闌大夫中張與闌之間士介拂棖此為介鴈行相隨也止之者絕行在後耳賓三揖三讓讓升也登再拜授幣授當為受主人拜至且受玉也每事如初謂享及有言也賓當為饋謂以鬱鬯禮賓也上於下曰禮敵

者曰儻禮器曰諸侯相朝灌用鬱鬯無籩豆之薦謂此  
朝禮畢儻賓也三請三進請賓就車也主君每一請車  
一進欲遠送之也三還三辭主君一請者賓亦一還一

辭音義

授依注音受賓亦依注音擯下賓使者同辟音  
避劉薄歷反注同下客辟三辟趨辟放此已辟

音避侑音又闡魚列反

張直庚反行戶剛反 疏釋曰及至也至將幣謂賓初  
至將幣幣即圭璋也云交擯三辭車逆拜辱賓車進答

拜者此並在主君大門外賓去門九十步而陳九介主  
君在大門外之東陳五擯上擯入受命出請事傳辭與  
承擯承擯傳與末擯末擯傳與末介末介傳與承介承  
介傳與上介上介傳與賓賓又傳與上介上介傳與承  
介承介傳與末介末介傳與末擯末擯傳與承擯承擯

傳與上擯上擯入告君如是者三謂之交擯三辭諸交  
擯者例皆如是也車逆拜辱者傳辭既訖主君乘車出  
大門至賓所下車拜賓屈辱來此也賓車進答拜者賓  
初升車進就主君主君下賓亦下車答主君拜也三揖  
者主君遙揖賓使前北面三讓入大門也云每門止一  
相者既入門迴面東至祖廟之時祖廟西仍有二廟以  
其諸侯五廟始祖廟在中兩廂各有二廟各別院為之  
則有二門門傍皆有南北隔牆隔牆皆通門故得有每  
門若不然從大門內即至祖廟之門何得有每門而云  
門止一相乎故為此解也云上相入者相入即上擯上  
介須詔禮故須入云三揖者亦謂入門揖當曲揖當磬  
揖也云三讓登者至階主君讓賓賓讓主君如是者三  
主君先升云再拜授幣者授當為受賓主俱升主人在  
阼階上北面拜乃就兩楹間南面賓亦就主君賓授玉  
主君受之故云再拜受幣也云賓拜送幣者賓既授乃  
退向西階上北面拜送幣乃降也注釋曰先鄭云賓車

進答拜賓上車進主人乃答其拜也後鄭不從者車逆  
拜辱已是主人今云車進答拜當是客何得主人再度  
拜故不從也云及出車送三請主人三請留賓也後鄭  
亦不從者行朝享禮賓訖送賓出禮既有限何因更有  
留賓之事故不從也云介紹而傳命者此聘義文案彼  
介紹而傳命謂聘者旅擯法引證此交擯者但紹繼也  
謂介相繼而陳則交擯旅擯皆得為紹故此交擯亦得  
紹介而傳命也案彼注首謂正自相當賓主不敢正自  
相當故須擯介通情也云君入門介拂闈大夫中棖與  
闈之間士介拂棖者玉藻文君入門不言所拂者朝君  
入由闈西亦拂闈不言之者君特行不與介連類故不  
言也介拂闈者上介隨君後與大夫士介自為鴈行於  
後也云止之者絕行在後耳者知不全入而為絕行在  
後者以聘禮介皆入廟門門西北面西上故知此君介  
亦入門門西北面西上可知故云絕行在後後亦入廟  
也云登再拜授幣授當為受者欲見登再拜受玉者主

君止得為受不得為授之義故也云拜至且受玉也者  
 拜中含此二事故也云每事如初謂享及有言也者案  
 聘禮享夫人下云若有言束帛如享禮是也云上於下  
 曰禮敵者曰備者大行人云王禮再裸而酢之屬是上  
 於下曰禮此諸侯云備是敵者曰備也云禮器曰諸侯  
 相朝准用鬱鬯無蘩豆之薦引之者證備亦用鬱鬯也  
 云主君一請賓亦一還一辭者則主君三請  
 三進其賓三還三辭一一相將但別言之耳

**圭饗食致贈郊送皆如將幣之儀**注此六禮者惟饗食

速賓耳其餘主君親往親往者賓為主人主人為賓君  
 如有故不親饗食則使大夫以酬幣侑幣致之鄭司農  
 云還圭歸其玉也故公子重耳受飧反璧玄謂聘以圭

璋禮也享以璧琮財也已聘而還圭璋輕財而重禮贈

送以財既贈又送至於郊音義

還音環又音旋食疏注音嗣凡饗食皆同

曰知饗食速賓者案公食大夫禮君親食之君不親食則以侑幣致之聘禮云公於賓壹食再饗上介壹食壹饗若不親食致之以侑幣致饗以酬幣以此知二者皆速賓也云其餘主君親往親往者賓為主人主人為賓者見聘禮云君使卿歸饗餼又云賓迎於外門外又云大夫東面致命君使卿還玉於館賓迎於外門外不拜帥大夫以入鄭君以此二者知賓為主人主人為賓致聘郊送亦然可知也聘禮乃君於臣此兩君敵明主君親為之矣先鄭云公子重耳事見僖公二十三年公子重耳反國及曹曹共公聞其駢脅欲觀其裸浴薄而觀之僖負羈之妻曰吾觀晉公子之從者皆足以相國若以相夫子必反其國反其國必得志於諸侯得志於諸

侯而誅無禮者曹其首也子盍蚤自貳馬乃饋盤飧賓  
 璧馬公子受飧反璧是其事引之者證還圭之事但彼  
 反璧者義取不貪寶意非還圭故後鄭不從也玄謂聘  
 以圭璋禮也者聘義云以圭璋聘重禮也謂行聘禮也  
 云享以璧琮財也者貢財貨時用璧琮以致之故云財  
 也云已聘而還圭璋輕財而重禮者還圭璋是重禮璧  
 琮不還是輕財也云贈送以財者聘禮賓遂行舍於郊  
 公使卿贈如覲幣注云言如覲幣見為反報是贈并送  
 至于

賓之拜禮拜饗餼拜饗食注鄭司農云賓之拜禮

者因言賓所當拜者之禮也所當拜者拜饗餼拜饗食  
 玄謂賓將去就朝拜謝此三禮三禮禮之重者也賓既  
 拜主君乃至館贈之去又送之于郊疏

注釋曰先鄭所  
 說是後鄭增成

其義案聘禮饗餼燕羞俶獻之明日賓皆拜於朝將去又三拜乘禽于朝彼臣故盡拜謝此賓之拜禮在致贈郊送之下則不及燕羞俶獻乘禽以其君略小惠將去惟拜其大禮也案聘禮賓三拜乘禽於朝遂行舍于郊公使御贈若然此致贈郊送在拜禮後今設文在前者欲取如將幣之儀故進文在前其贈送合在後也云賓既拜主君乃至館贈之去又送之于郊者鄭以贈送之文在前拜禮在後恐疑顛倒故此解之是其次也

**賓**

繼主君皆如主國之禮注鄭司農云賓繼主君復主人之禮費也故曰皆如主國之禮玄謂繼主君者儻主君也儻之者主君郊勞致館饗餼還圭贈郊送之時也如其禮者謂玉帛皮馬也有饌陳之積者不如也若饗食

主君及燕亦速焉音義

費芳疏

注釋曰先鄭云繼主君復主人之禮費也後鄭

不從者主人禮費既多非賓所能復玄謂繼主君者僂主君也者案聘禮君遣卿勞及致館等皆僂僂者報也上注云敵者曰僂故此報主君為僂云僂之者主君郊勞致館饗餼還主贈郊送之時也如其禮者謂玉帛皮馬也者案聘禮云賓至于近郊君使卿朝服用束帛勞又云賓用束錦僂勞者君使卿韋弁歸饗餼又云大夫奉束帛又云賓降授老幣出迎大夫注云出迎欲僂之庭實設馬乘賓降堂授老束錦賓奉幣西面大夫東面賓致幣是皆有僂法彼兩臣有僂此兩公有僂可知也若然彼聘禮致館無僂者彼君使卿致館不以幣故亦無僂明此兩君致時有幣合亦僂之也彼聘禮賓不見有饗食連主君者臣於君雖他國亦不敢連君故禮記云大夫饗君非禮是也此兩君即得其燕食等皆得連主君也主君有故不能親以侑幣酬幣致之亦無僂鄭

彼注云以己本宜往還玉于館及諸侯諸伯諸子諸男還享雖無束帛文亦當備之矣

之相爲賓也各以其禮相待也如諸公之儀注賓主相

待之儀與諸公同也饗餼饗食之禮則有降殺音義

殺色

界反下豐殺則殺疏注釋曰五等諸侯以命數分爲三

及後殺禮皆同等其圭璋饗餼殮積步數備介皆降殺備於大行人掌客其進退揖讓

之儀一與公同故云如諸公之儀諸公之臣相爲國

客注謂相聘也疏釋曰謂上諸公之臣相聘往來爲國

也則三積皆三辭拜受注受者受之於庭也侯伯之臣

不致積疏釋曰此謂在道之禮於路館致之亦有束帛

致之云三辭拜受者辭不受三辭後受之故

云三辭拜受也注釋曰云受者受之於庭也者上諸公即云登登謂登堂此不云登故知受於庭也知侯伯之臣不致積者案聘禮以五介又張禮是侯伯之卿聘使者經不云積明侯伯之臣不致積可知但不以束帛行禮致之豈於道全及大夫郊勞旅擯三辭拜辱三讓登無積手明有也

聽命下拜登受賓使者如初之儀及退拜送注登聽命

賓登堂也賓當為備勞用束帛擯用束錦侯伯之臣受

勞於庭疏

釋曰案聘禮此亦近郊勞也旅擯不傳辭賓使各陳七介而已云三辭拜辱者賓從館內

出於大門拜使者辱命來於外云三讓者讓升堂云登聽命者賓登堂聽使者傳主君之命也云下拜登受者賓聽命訖下堂拜命訖登堂受幣也云賓使者如初之儀者謂使傳命訖禮畢出門賓以束帛賓使者如初行

勞時之儀前賓受幣今使者受幣受幣雖異威儀則同  
敬主君使者也知勞用束帛儻用束錦者約聘禮郊勞  
知之知侯伯之臣受勞於庭者亦案聘禮賓  
是侯伯之臣云受於舍門內是不登堂也 致館如初

之儀注如郊勞也不儻耳侯伯之臣致館于庭不言致  
飧者君於聘大夫不致飧也聘禮曰飧不致賓不拜疏

注釋曰案聘禮賓至使大夫帥至館卿致館此公之臣  
亦當然上云郊勞此云如初如初郊勞也鄭知不儻者  
聘禮致館無束帛賓亦無儻知此亦然也云侯伯之臣  
致館于庭者亦案聘禮知之云君於聘大夫不致飧也  
引聘禮飧不致賓不拜者案聘禮致館之下即云宰夫  
設飧即此致館下不云致飧故云君於聘大夫不致飧  
如是五等之臣 及將幣旅擯三辭拜逆客辟三揖每門  
皆無致飧也

止一相及廟唯君相入三讓客登拜客三辟授幣下出  
每事如初之儀注客辟逡巡不答拜也惟君相入客臣  
也相不入矣拜主君拜客至也客三辟三退負序也每

事享及有言音義

逡七疏

旬反幣釋曰及至也謂賓在館至將幣將幣亦謂圭璋也云旅擯

三辭者亦謂於主君大門外主君陳五擯客陳七介不  
傳辭故云旅擯也云三辭者前郊勞三辭辭其以禮來  
於外此三辭辭其主君以大客禮當已云拜逆客辟者  
謂三辭訖主君遣上擯納賓賓入大門主君在大門內  
南面拜拜賓奉君命屈辱來見已客辟不受拜者使者  
奉君命來不敢當拜故逡巡辟君拜也云三揖者亦揖  
之使前云每門止一相者謂彌相親也云及廟惟君相  
入者與前諸公少異彼是兩君故云惟上相入則兩君

擯介各有上相亦不入故據君而言也云三讓客登者按聘義云三讓而後入廟門三揖而後至階此不言者文不具客登者主君與客俱登據客而言故云客登也云拜容三辟者主君與客俱登訖主君於階上北面拜拜賓喜至此堂并拜受幣云客三辟者三退負序不敢當君拜云授幣者授玉與主君也注釋曰云客辟逡巡不答拜也者釋上拜逆客辟也云客三辟三退負序也者按聘禮云賓三退負序注云三退三逡巡也不言辟者以執圭將進授之此亦執圭將授言辟者儀禮是委曲行事故云執圭將進不得云辟此周禮事未見據大總而言故云辟無嫌三退負序聘禮文云每事享及有言者亦約聘禮知之

及禮私面私獻

皆再拜稽首君答拜注禮以醴禮客私面私覲也既覲則或有私獻者鄭司農說私面以春秋傳曰楚公子棄

疾見鄭伯以其乘馬私面疏

釋曰此三者皆於聘日行之故并言之云君答拜者

雖見異國之臣當空首拜也注釋曰知禮以醴禮客者

按聘禮禮客用醴齊異於君鬱鬯也云私面私覲也者

按聘禮賓奉束錦請覲又云問卿訖賓面如覲幣注云

面亦見也其謂之面威儀質也彼不見有私獻又於君

謂之覲於卿謂之面覲面別此云私面私覲為一者以

彼文兩見則私覲據君私面據卿此文不見有私覲直

言私面豈不見君直見臣也明此私面主於君故以私

面為私覲也彼無私獻非常故彼記云既覲賓若私獻

奉獻將命故此注云既覲則或有私獻者也云春秋者

按左氏昭六年楚公子棄疾如晉過鄭見鄭伯如見王

以其乘馬八匹私面見于皮如上卿以馬六匹見于產

以馬四匹見于大叔以馬二匹稱面者以其面亦覲也

且過鄭非正聘出及中門之外問君客再拜對君拜客

故以面言之

辟而對君問大夫客對君勞客客再拜稽首君答拜客  
趨辟注中門之外即大門之內也問君曰君不恙乎對  
曰使臣之來寡君命臣於庭問大夫曰二三子不恙乎

對曰寡君命使臣於庭二三子皆在勞客曰道路悠遠  
客甚勞勞介則曰二三子甚勞問君客再拜對者為敬

慎也音義

客甚勞如字下  
甚勞勞辱同

疏

注釋曰賓來主為以君命  
行聘享是以先行聘享訖

乃始行私相慰問之事是以聘禮注云卿以公禮將事  
無由問也云中門之外即大門之內也者聘禮云及大  
門內公問君故指彼云即大門內也案聘禮云及大門  
內公問君賓對公再拜注云賓至始入門之位北面將

揖而出衆介亦在其右少退西上於此可以問君居處何如序殷勤也時承壇結壇亦於門東北面東上上壇往來傳君命南面云問君曰已下未知鄭君所出何文或云是孔子聘問之辭亦未得其實也爾雅云恙憂也致饗餼如勞之禮饗食還圭如將幣之儀注饗食亦謂

君不親而使大夫以幣致之疏

釋曰云致饗餼如勞之禮者同使卿威儀進止

皆如上郊勞之禮還以本圭故云如也注釋曰知饗食是君不親者以其與還圭共文同是致之故知君不親使大夫致之也致饗及還玉賓主皆是大夫其將幣主君與使臣行禮如將幣者蓋不盡如之所如者如旅擯主人皮弁賓皮弁襲將幣同自餘則別是以聘禮君使御皮弁還玉于館賓皮弁襲迎于外門外不拜帥大夫以入大夫弁自西階鉤楹賓自碑內聽命弁自西階自左南面受圭退負右房而立是與將幣別之事也君

館客客辟介受命遂送客从拜辱于朝注君館客者客

將去就省之盡殷勤也遂送君拜以送客音義

从本亦作從同

才用疏

釋曰案聘禮云公館賓賓辟注云言辟者君在廟門敬也又云上介聽命注云聽命於廟門中

西面如相拜然也然則此中行事亦爾鄭知君拜送者見聘禮云聘享夫人之聘享問大夫送賓公皆再拜是其有拜此云客從拜辱於朝者聘禮曰公退賓從請命于朝公辭賓退是也

明日客拜禮賜

遂行如入之積注禮賜謂乘禽君之加惠也如入之積

則三積從來至去音義

乘絕證反疏下乘皮同

館賓下云賓三拜

乘禽於朝以此知禮賜是乘禽也云遂行如入之積鄭云如入之積則三積從來至去者入與出各三積故得

以後如前以此而言諸侯言出入五積四積三積之類入出各五各四各三者也

凡侯伯子男

之臣以其國之爵相爲客而相禮其儀亦如之注爵卿

也大夫也士也疏

注釋曰諸侯之臣言爵相爲客而相禮者不離三等卿大夫士鄭注掌客

云爵卿也則飧二牢饗餼五牢大夫也則飧大牢饗餼三牢士也則飧少牢饗餼大牢也此降小禮豐大禮也以命數則參差難等略於臣用爵而已以此三等相禮也云其儀亦如之者亦以三等相差七十步七介五十步五介三十步三介小

凡四方之賓客禮儀辭命餼牢

聘使大夫又降殺也

賜獻以二等從其爵而上下之注上下猶豐殺也音義

上時疏釋曰上經云爵鄭以卿大夫士三等解之此經掌反疏云二等即與大行人云諸侯之卿各下其君二

等大夫士亦如之大夫下卿士下大夫降殺以兩解之同也云從其爵者以三等降殺從三等而為之云上下猶豐殺也者爵尊者禮豐爵卑者禮殺以二等為豐殺也

凡賓客送逆同禮注謂郊

勞郊送之屬疏

注釋曰經云送逆故知郊勞郊送也郊勞是逆郊送是送尊卑不同此二者一

也凡諸侯之交各稱其邦而為之幣以其幣為之禮注

幣享幣也於大國則豐於小國則殺主國禮之如其豐

殺謂賄用束紡禮用玉帛乘皮及贈之屬音義

稱尺證反紡芳

往疏

釋曰此一經惟論享幣多少及主國報禮輕重之反疏事言交者兩國一往一來謂之交言各稱其邦而

為之幣者據朝聘所齊享幣大國多小國少云以其幣為之禮者據主國賄客還依來者多少而報之注釋曰

鄭知幣是享幣者以其經云稱其邦復云幣明幣是享幣不得據圭璋璧琮也知是賄用束紉禮用玉帛乘皮及贈之屬者案聘禮遷玉之下云賓裼迎大夫賄用束紉注云所以遺聘君可以為衣服又云禮玉束帛乘皮注云禮禮聘君也所以報享也又云遂行舍于郊公使卿贈如覲幣記云賄在聘為賄是其豐殺多少者也

凡行人之儀不朝不夕不正其主面亦不背客注謂擯相傳辭時也不正東鄉不正西鄉常視賓主之前却得

兩鄉之而已音義

朝如字又直遙反背音佩鄉許亮反下同疏注釋曰此經

相之濃朝謂日出時為正鄉東夕謂日入時為正鄉西云不正其主面則亦不背客故鄭云常視賓主之前却得兩鄉之而已言此者正謂司儀隨機旋轉不常厥處者也

行夫掌邦國傳遽之小事媿惡而無禮者凡其使也必

以旌節雖道有難而不時必達注傳遽若今時乘傳騎

驛而使者也美福慶也惡喪荒也此事之小者無禮行

夫主使之道有難謂遭疾病他故不以時至也必達王

命不可廢也其大者有禮大小行人使之有故則介傳

命不嫌不達音義

傳張戀反注同遽其庶反使色吏反注及下同難乃旦反注同傳直宣反

象胥疏

釋曰行夫者以身自行於外言媿惡無禮者無職同疏摛介而單行謂之無禮也云必以旌節者道路

用旌節故也云雖道有難而不時者無難者即依程至祇由有難故不時云必達者雖不時必達於所往之處

也注釋曰云美福慶也者謂諸侯國有生男及嫁娶等云惡喪荒也者謂民有死喪及年穀不孰若諸侯薨之等大事即使卿大夫若春秋王使榮叔宰咺之等有禮不使行夫也云他故者謂賊寇及水旱之等云必達王命不可廢也者以其行夫下士三十二人以人數多縱有難必達也云其大者有禮大小行人使之者案大行人雖不云身使之事其間問及王之所以撫諸侯之等或身自行小行人云使適四方是身行之事也居

於其國則掌行人之勞辱事焉使則介之注使謂大小行人也故書曰夷使鄭司農云夷使使於四夷則行夫

主為之介玄謂夷發聲音義

馬劉疏音夷

疏注釋曰先鄭以夷使使於四夷後鄭

不從以為夷發聲者以經云居則掌行人之勞辱事是行人所使即云介明還與行人為介文勢不容與行人

別行直四夷使自使象胥何  
得使行夫也故不從之也

環人掌送逆邦國之通賓客以路節達也四方注通賓

客以常事往來者也路節旌節也四方圻上疏

釋曰此環人與

夏官環字雖同義則異彼環人主致師此環人主環遶  
賓客使不失脫是其異也注釋曰云通賓客以常事往  
來者也者謂朝覲會同者也云路節旌節也者以其道  
路用旌節故知路節旌節也云四方圻上者至畿即入  
諸侯國諸侯國自有通之者也舍則授館令聚櫟有任器則令環之注

令令野廬氏也鄭司農云四方人有任器者則環人主

令殉環守之音義

殉徐音循疏或辭俊反

釋曰館則道上廬宿市所館舍任器謂賓客任

用之器注釋曰令野廬氏也者其職云若有凡門關  
賓客則令守涂地之人聚棗之故知令野廬也

無幾送逆及疆注鄭司農云門關不得苛留環人也玄

謂環人送逆之則賓客出入不見幾音義疆居良反苛音何又呼何

反疏注釋曰先鄭云門關不得苛留環人也者以環人

人送逆之則門關  
不得苛留賓客

象胥掌蠻夷閩貉戎狄之國使掌傳王之言而諭說焉

以和親之注謂蕃國之臣來順聘者音義閩亡巾反又音文貉亡百

反使所疏注釋曰蕃國之君世壹見其臣得有順聘者  
吏反 彼雖無聘使瀝有國事來小行人受其幣聽

其辭以中國類聘况若以時入賓則協其禮與其辭言之耳其實無類聘也

傳之注以時入賓謂其君以世一見來朝為賓者音義

見賢疏釋曰云協其禮者夷狄之君以不能行中國禮適反疏及其行朝聘亦當以禮和合之使得其所也云

與其辭言傳之者但夷狄之君亦是中國卿大夫有罪使任於彼計應言辭可知今言協其辭言傳之者謂君

外之衆類凡其出入送逆之禮節幣帛辭令而賓相之譯語者也

注從來至去皆為擯而相侑其禮儀音義賓音擯下同相息亮反下

同疏釋曰夷狄無玉帛來向中國而凡國之大喪詔相云幣帛者謂王有賜與之禮也

國客之禮儀而正其位注客謂諸侯使臣來弔者疏釋曰

大喪言凡則非王喪若王喪諸侯皆來何得有使臣來諸侯既絕無來者則大喪王后世子也或大喪王喪不言諸侯者餘官掌之此象胥直掌臣也又象胥本主夷狄之使亦兼掌中國之使故下有大事諸侯之等也

凡軍旅會同受國客幣而賓禮之注謂諸侯以王有軍

旅之事使臣奉幣來問疏

注釋曰言諸侯以王有軍旅之事使臣奉幣來問者正

謂禮動不虛以為相見之禮以幣致其君命非謂別有幣也

凡作事王之大事諸侯

次事卿次事大夫次事上士下事庶子注作使也鄭司

農云王之大事諸侯使諸侯執大事也次事卿使卿執

其次事也次事使大夫次事使上士下事使庶子疏

釋曰

直言上士不言中士下士者總以王之三等之士皆曰上士與王制所云元士同也云庶子者謂若宮伯所云士庶子之等直云庶子兼適子在其中也

掌客掌四方賓客之牢禮餼獻飲食之等數與其政治

注政治邦新殺禮之屬音義

治直吏疏反注同

注釋曰此經與下文為總目其

事並在下文云政治邦新殺禮之屬者下文云新國則殺禮殺禮類多故云之屬以通之

王合諸侯

而饗禮則具十有二牢庶具百物備諸侯長十有再獻

注饗諸侯而用王禮之數者以公侯伯子男盡在是兼饗之莫敵用也諸侯長九命作伯者也獻公侯以下如

其命數音義

長丁丈反注疏同敵丁歷反

注釋曰云王禮之數者則十二牢是故哀七年吳來

微百牢魯使子服景伯對曰周之王也制禮上物不過十二以為天之大數也上公以九為節則十二者是王禮之數也云以公侯伯子男盡在是兼饗之者以經云合則時會殷同是盡在於是兼饗故用十二牢也云莫敵用也者若單饗一國即有賓主之敵則單用大牢今兼饗諸侯無二相敵故云莫敵用也若曲禮云大饗不問卜鄭云莫適卜也彼亦非一帝總饗五帝莫適卜也云諸侯長九命作伯者也者大宗伯云九命作伯注云上公有功德者加命為二伯云獻公侯以下如其命數者大行人云上公饗禮九獻侯伯七獻子男五獻是也

王巡守殷國則國君膳以牲犢令百官百姓皆具從者

三公眡上公之禮卿眡侯伯之禮大夫眡子男之禮士

眡諸侯之卿禮庶子壹眡其大夫之禮注國君者王所  
過之國君也犢鹵粟之犢也以膳天子貴誠也牲孕天  
子不食也祭帝不用也凡賓客則皆角尺令者掌客令  
主國也百姓皆具言無有不具備音義

從才用反下注從賓同鹵古典

反疏

釋曰王巡守則殷同殷同則殷國也王巡守至於四岳之下當方諸侯或所在經過或至方岳之下

若殷國或在王城出畿外在諸侯之國所在之處皆設  
禮待王故巡守殷國並言也云則國君膳以牲犢者膳  
亦謂殷膳時也云令百官百姓皆具者此文與下為目  
百官即三公已下是也云三公眡上公之禮云云者明  
上公以下及侯伯子男禮備於大行人及掌客諸侯之  
卿及諸侯大夫禮亦備於聘禮及公食大夫也注釋曰

云國君者王所過之國君也者鄭偏舉一邊而言所在亦須共待云犢繭栗之犢也者王制云天地之牛角繭栗郊特牲云天子適諸侯諸侯膳用犢謂殷膳時特與祭天之牲同用犢則天子繭栗可知也云以膳天子貴誠也牲孕天子不食也祭帝不用也者皆郊特牲文言此者見天子牲與天同貴誠愬故用繭栗也云凡賓客則皆角尺者亦王制文云令者掌客令主國也者以其掌客掌諸侯已下牢禮故知掌客令也

凡諸侯之禮上公五積皆眡飧牽三問皆脩羣介行人宰史皆有牢飧五牢食四十簋十豆四十劔四十有二壺四十鼎簋十有二牲三十有六皆陳饗餼九牢其死牢如飧之陳牽四牢米百有二十筥醢醢百有二十糝車皆陳

車米眠生牢牢十車車秉有五簋車未眠死牢牢十車  
車三秬芻薪倍禾皆陳乘禽日九十雙殷膳大牢以及  
歸三饗三食三燕若弗酌則以幣致之凡介行人宰史  
皆有飧饗餼以其爵等爲之牢禮之陳數唯上介有禽  
獻夫人致禮八壺八豆八籩膳大牢致饗大牢食大牢  
卿皆見以羔膳大牢侯伯四積皆眠飧牽再問皆脩飧  
四牢食三十有二簋八豆三十有二劔二十有八壺三  
十有二鼎簋十有二脰二十有七皆陳饗餼七牢其死

牢如飧之陳牽三牢米百筥醯醢百甕皆陳米三十車

禾四十車芻薪倍禾皆陳乘禽日七十雙殷膳大牢三

饗再食再燕凡介行人宰史皆有飧饗餼以其爵等爲

之禮唯上介有禽獻夫人致禮八壺八豆八邊膳大牢

致饗大牢卿皆見以羔膳特牛子男三積皆眡飧牽壹

問以脩飧三牢食二十有四簋六豆二十有四劔十有

八壺二十有四鼎簋十有二牲十有八皆陳饗餼五牢

其死牢如飧之陳牽二牢米八十筥醯醢八十甕皆陳

米二十車禾三十車芻薪倍禾皆陳乘禽日五十雙壹  
饗壹食壹燕凡介行人宰史皆有飧饗餼以其爵等爲  
之禮唯上介有禽獻夫人致禮六壺六豆六邊膳眠致  
饗親見卿皆膳特牛注積皆視飧牽謂所共如飧而牽  
牲以往不殺也不殺則無鉶鼎簋簋之實其米實於筐  
豆實實于甕其設筐陳于楹內甕陳于楹外牢陳于門  
西車米禾芻薪陳于門外壺之有無未聞三問皆脩脩  
脯也上公三問皆脩下甸云羣介行人宰史皆有牢君

用脩而臣有牢非禮也蓋著脫字失處且誤耳飧客始至致小禮也公侯伯子男飧皆餼一牢其餘牢則腥食者其庶羞美可食者也其設蓋陳于楹外東西不過四列簋稻梁器也公十簋堂上六西夾東夾各二也侯伯八簋堂上四西夾東夾各二子男六簋堂上二西夾東夾各二豆菹醢器也公四十豆堂上十六西夾東夾各十二侯伯三十二豆堂上十二西夾東夾各十子男二十四豆堂上十二西夾東夾各六禮器曰天子之豆二

十有六諸公十有六諸侯十有二上大大夫八下大夫六以聘禮差之則堂上之數與此同鉶羹器也公鉶四十二侯伯二十八子男十八非衰差也二十八書或為二十四亦非也其於衰公又當三十於言又為無施禮之大數鉶少於豆推其衰公鉶四十二宜為三十八蓋近之矣則公鉶堂上十八西夾東夾各十侯伯堂上十二西夾東夾各八子男堂上十西夾東夾各四壺酒器也其設於堂夾如豆之數鼎牲器也簋黍稷器也鼎十有

二者飪一牢正鼎九與陪鼎三皆設於西階前簋十二者堂上八西夾東夾各二合言鼎簋者牲與黍稷俱食之主也牲當為腥聲之誤也腥謂腥鼎也於侯伯云腥二十有七其故腥字也諸侯禮盛腥鼎有鮮魚鮮腊每牢皆九為列設于阼階前公腥鼎三十六腥四牢也侯伯腥鼎二十七腥三牢也子男腥鼎十八腥二牢也皆陳陳列也飧門內之實備于是矣亦有車米禾芻薪公飧五牢米二十車禾三十車侯伯四牢米禾皆三十車

子男三牢米十車禾二十車芻薪皆倍其禾糗餼既相見致大禮也大者既兼飧積有生有腥有孰餘又多也死牢如飧之陳亦餼一牢在西餘腥在東也牽生牢也陳于門西如積也米橫陳於中庭十爲列每筥半斛公侯伯子男黍粱稻皆二行公稷六行侯伯稷四行子男二行醢醢夾碑從陳亦十爲列醢在碑東醢在碑西皆陳於門內者於公門內之陳也言車者衍字耳車米載米之車也聘禮曰十斗曰斛十六斗曰簋十簋曰秉每

車乘有五簋則二十四斛也禾橐實并刈者也聘禮曰  
四秉曰筥十筥曰稷十稷曰秬每車三秬則三十稷也  
稷猶束也米禾之秉筥字同數異禾之秉手把耳筥讀  
爲棟栳之栳謂一穊也皆陳橫陳門外者也米在門東  
禾在門西芻薪雖取數於禾薪從米芻從禾也乘禽乘  
行羣處之禽謂雉鴈之屬於禮以雙為數殷中也中又  
致膳示念賓也若弗酌謂君有故不親饗食燕也不饗  
則以酬幣致之不食則以侑幣致之凡介行人宰史衆

臣從賓者也行人主禮宰主具史主書皆有飧饗餼尊  
其君以及臣也以其爵等為之牢禮之陳數爵卿也則  
飧二牢饗餼五牢大夫也則飧大牢饗餼三牢士也則  
飧少牢饗餼大牢也此降小禮豐大禮也以命數則參  
差難等略於臣用爵而已夫人致禮助君養賓也籩豆  
陳於戶東壺陳於東序凡夫人之禮皆使下大夫致之  
於子男云膳視致饗言夫人致膳於小國君以致饗之  
禮則是不復饗也饗有壺酒卿皆見者見於賓也既見

之又膳之亦所以助君養賓也卿見又膳此聘禮卿大  
夫勞賓餼賓之類與於子男云親見卿皆膳特牛見讀  
如卿皆見之見言卿於小國之君有不故造館見者故  
造館見者乃致膳鄭司農說牽云牲可牽行者也故春

秋傳曰餼牽竭矣耗讀爲耗秭麻答之耗音義

釧音刑  
牲三十

依注牲音星下牲十有八受牲禮同管姜呂反璫烏弄  
反藪素口反劉色縷反耗丁故反或丈加反乘繩證反  
下及注同食音嗣下食大牢再食壹食注不食同見賢  
遍反注下除相見見讀皆同雖而甚反夾古洽反劉古  
協反下同衰初危反下同差初佳反又初宜反陪音裴  
行戶剛反下六行四行二行皆同從子容反豪古老反

并必政反又必盈反總本又作縵子工反李又音總把  
必馬反招音呂穉才計反參初林反差初宜反復扶又

反勞老報反造七報反

疏注釋曰云凡諸侯之禮者此

梯徐音姊劉祖禮反

一句與下為總目也此一經

並是諸侯自相朝主國待賓之禮若然天子掌客不見  
天子待諸侯之禮而見諸侯自相待者天子掌客自掌  
天子禮則諸侯相待之禮無由得見今以天子之官輒  
見諸侯自相待以外包內天子待諸侯亦同諸侯自相  
待可知是以見諸侯相待之法也云上公五積皆眡飧  
牽者公國自相朝是上公待上公之禮有五積皆眡飧  
一積眡一飧殮五牢五積則二十五牢言牽者數雖眡  
飧飧則殺積全不殺並生致之故云牽侯伯四積皆眡  
飧牽殮四牢一積眡一飧則一積四牢總十六牢亦牽  
不殺子男三積積亦眡飧殮三牢一積三牢三積九牢  
亦牽之不殺也必牽之不殺者以其在道分置豫往故  
不殺之容至自殺也既云眡飧殮則有芻薪米禾之等

故鄭解積皆依飡解之也云不殺則無鉶鼎者鉶鼎即陪鼎是也但殺乃有鉶鼎不殺則無鉶鼎可知侯伯子男皆然鄭云簠簋之實已下皆約公食大夫親食則有簠簋之實已下皆飡在俎若不親食使大夫各以其爵朝服以侑幣致之則生往今積既不殺與公食生致同故鄭皆約公食大夫解之也云其設筐陳于楹內者彼云簠實實於筐陳於楹內兩楹間二以並南陳云饗陳於楹外者彼云豆實實於饗陳於楹外二以並北陳云牢陳於門西者彼云牛羊豕陳於門內西方東上是鄭皆依公食大夫之文也云車米禾芻薪陳於門外者此約聘禮致饗饋之文彼云米三十車設於門東為三列東陳禾三十車設於門西西陳薪芻倍禾注云薪從米芻從禾是其事也侯伯子男積之簠豆菜禾薪芻等陳列亦與此同也云壺之有無未聞者以其酒不可生致故云未聞云三問皆脩羣介行人宰史皆有牢者鄭云三問皆脩脩脯也對文脩是段脩加薑桂捶之者脯乾

肉薄者散文脩脯一也云上公三問皆脩下句云羣介  
行人宰史皆有牢君用脩而臣有牢非禮也者言非禮  
者君專用脩臣卑用牢故云非禮云蓋若脫字失處案  
下文凡介行人宰史皆在饗食燕下此特在上有人見  
下文脫此語錯差著於此更有人於下著訖此剩不去  
故云蓋若脫字失處也云且誤耳者下文皆云凡介此  
云羣介故云且誤耳云飧客始至致小禮也者案賓聘  
大夫帥至館御致館即云宰夫朝服設飧是其客始至  
之禮言小禮者對饗饒為大禮也云公侯伯子男飧皆  
餼一牢其餘牢則腥者鄭言此者下惟言腥不言餼此  
有餼及鼎皆為餼一牢而言以是經雖不言餼須言餼  
之矣云其餘牢則腥腥之數備於下也云食者其庶羞  
美可食者也其設蓋陳於楹外東西不過四列者前所  
陳皆約公食大夫致食之禮今案公食若不親食庶羞  
陳於碑內者設飧之時堂上皆有正饌無容庶羞之處  
楹外既空不須向碑內及堂下故疑在楹外陳之十以

為列故四列也公食陳於碑內者由饗陳於楹外故在下也必知為四列見公食云庶羞東西不過四列故知也云簋稻梁器也者見公食大夫簋盛稻梁云公十簋堂上六西夾東夾各二也侯伯八簋堂上四西夾東夾各二子男六簋堂上二西夾東夾各二鄭知此者見聘禮致饗餼堂上二簋東西各二簋今此公十侯伯八子男六禮之陳列堂上之數與東西夾之數不多則等鄭遂以意裁之五等東西夾各二以外置於堂上故云公六侯伯四子男二也聘禮設殮鄭約致饗餼今亦約致饗餼也但聘禮設殮云西夾六無東夾之饗者蓋降於君禮故也云豆菹醢器也者見公食大夫及特牲少牢豆皆以豆盛菹醢故知也云公四十豆堂上十六至各六鄭以堂上豆數取聘禮致饗餼於上大夫八豆下大夫六豆並是堂上豆數又取禮器天子之豆二十有六諸公十有六諸侯十有二謂侯伯子男同則亦是堂上豆數可知以此文公言四十明十六在堂上餘二十四

豆分之於東西夾此侯伯言三十二亦以十二為堂上  
豆數餘二十分於東西夾各十此子男云二十四以十  
二為堂上豆數其餘十二分為東西夾各六其堂上豆  
數既約聘禮與禮器東西多少鄭以意差之可知故云  
以聘禮差之則堂上豆數與此同也云銅羹器也者銅  
器名銅器所以盛腳臚脰三等之羹故為銅羹云公銅  
四十二侯伯二十八子男十八非衰差也者衰差之法  
上下節級似若九若七若五校一節是衰差今公四十  
二侯伯二十八子男十八公於侯伯子男大縣絕故云  
非衰差也云二十八書或為二十四亦非也者侯伯若  
二十四為比公四十二校十八又以二十四比子男十  
八校六亦非其類故云亦非也云其餘衰公又當三十  
於言又為無施者為三十亦非衰法以其無所倚就故  
云無所施也云禮之大數銅少於豆者按侯伯豆三十  
二銅二十八子男豆二十四銅十八是銅少豆多公食  
大夫豆六銅四是其銅少於豆也云推其衰公銅四十

二宜為三十八蓋近之矣者子男十八侯伯二十八公  
三十八以十為降殺是其衰也言蓋者無正文故疑而  
生蓋也云公銅堂上十八西夾東夾各十侯伯堂上十  
二西夾東夾各八子男堂上十西夾東夾各四知如此  
差者亦約聘禮致饗餼兼以意準量而言云壺酒器也  
者司尊彝有兩壺尊春秋傳云尊以魯壺皆以壺為酒  
尊也此所設亦約聘禮但彼堂上八壺東西夾各六壺  
此壺與豆數同四十故云其設於堂夾如豆之數也云  
鼎牲器者謂烹牲體之器云簋黍稷器也者鼎十有二  
者牲一半正鼎九與陪鼎三皆設於西階前者其陪鼎  
三設於內廡云簋十二者堂上八西夾東夾各二知設  
如此者約聘禮而知之也牢鼎九者謂牛羊豕魚腊膚  
與腸胃鮮魚鮮腊陪鼎三者腳臄臠也云合言鼎簋者  
牲與黍稷俱食之主也者黍稷與衆饌為主牲與羞物  
為主是俱得為食之主也此五等諸侯同簋十二案聘  
禮致饗餼堂上八簋東西夾各六簋總二十簋彼臣多

此君少者禮有損之而益故也云牲當為腥聲之誤也  
腥謂腥鼎也於侯伯云腥二十有七其故腥字也者子  
男亦云牲十八是亦當為腥聲之誤也云諸侯禮盛腥  
鼎有鮮魚鮮腊每牢皆九為列設於阼階前者此皆約  
聘禮設飧而言案彼飪一牢在西鼎九蓋鼎三腥一牢  
在東鼎七致饗餼云腥二牢鼎二七無鮮魚鮮腊設於  
阼階前西面南陳如飪二列此云三十六故知有鮮魚  
鮮腊也云飧門內之實備於是矣者鄭言此者欲見門  
內既備仍有車米之等也是以云亦有車米禾芻薪也  
云公飧五牢米二十車禾三十車已下皆約饗餼死牢  
而言以其饗餼云死牢如飧之陳上公五牢死侯伯四  
牢死子男三牢死皆如飧之陳明此米禾數如此云芻  
薪皆倍其禾者亦約饗餼禮也若然案聘禮米不啻二  
十車者彼大夫禮豐小禮大夫飧二牢故米禾皆抵之  
米禾各二十車也云饗餼既相見致大禮也者知既相  
見所致者案聘禮記云聘日致饗鄭云急歸大禮是既

相見致大禮也云大者既兼飧積有生有腥有孰餘又多也者假令上公饗餼九牢五牢死四牢牽上公五積皆賦飧牽則是一積五牢言兼飧死五牢與飧同言兼積則兼不盡止兼四耳知兼積者以其牽與積同故云兼之也侯伯子男皆兼積不盡言餘又多者謂米禾芻薪醢醢芻米之屬云死牢如飧之陳亦飪一牢在西餘腥在東也者約聘禮知之也云牽生牢也陳於門西如積者亦橫陳於門西而東上云米橫陳於中庭十為列每筥半斛知然者前飧之陳及積之陳皆約聘禮致饗餼灑今於此文積在前已說故以此饗餼向前如之故云如積也言如積則亦如聘禮饗餼也今此自米已下還約聘禮致饗餼灑云公侯伯子男黍梁稻皆二行公稷六行侯伯稷四行子男稷二行者彼云米百筥筥半斛設於中庭十以為列北上黍梁稻皆二行稷四行此以增稷餘不增故知公稷六行子男米八筥黍梁稻各二行更得二即足故知稷二行云醢醢夾碑從陳亦十

爲列醢在碑東醢在碑西者彼注云夾碑在庭之中央也醢在東醢穀陽也醢在西醢肉陰也言夾碑故知從陳然侯伯醢醢百甕米百筥上介筥及甕如上賓上介四人米百筥此數多於子男與侯伯等者上公醢醢百二十甕與王舉百二十甕同故鄭志云此公乃二王後如是王之上公與侯伯俱同百甕子男八十甕其筥米皆同甕數此是尊卑之差至於聘禮乃是臣澆自爲一禮不相與亦是損之而益云於公門內之陳也言車衍字耳者言車載米之車不合在醢醢下言之又案侯伯子男醢醢下皆無車字故知衍字也云車米載米之車也聘禮曰十斗曰斛十六斗曰簋十簋曰乘每車乘有五簋則二十四斛也禾粟實并刈者也若聘禮記文云筥讀爲棟栢之栢謂一穊也者時有棟栢之言故讀從之亦曰一穊穊即詩云此有不斂穊穊即鋪也云皆橫陳門外者也米在門東禾在門西者皆約聘禮致饗饋澆云芻薪雖取數於禾已下鄰以義言也云乘禽乘行

羣處之禽謂雉鴈之屬者此禽謂兩足而羽者不兼四足而毛故云雉鴈以其兼有鷄鶩之等故云之屬是以大宗伯以禽作六摯有雉鴈鷄鶩之等也云於禮以雙為數者即此九 五十及士中日則二雙皆以雙為數是也云殷中也中又致膳示念賓也者此為牢禮之外見賓中間未去恐賓慮主人有倦更致此爵所以示念賓之意無倦也云若弗酌謂君有故不親饗食燕也不饗則以酬幣致之不食則以侑幣致之者此皆約聘禮文不言致燕者饗食在廟在寢禮惟言致饗食者以合在廟嚴凝之事不親即須致之燕禮褻不親酌蓋不致也云几介行人宰史行人主禮宰主具史主書者案王制云大史典禮執簡記大史職亦云執其禮事與此史主書行人主禮違者大史在國則專主書故曲禮云史載筆士載言此云史止謂大史之屬官以其有爵等故知也云行人主禮者主賓客之禮大行人之類是掌賓禮也案聘禮云史讀書宰執書告備具於君又掌饌具

故公食大夫云宰夫具饌於房是掌具也云爵卿也則  
飧二牢饗餼五牢已下皆約聘禮賓之卿上介之大夫  
士介四人歸饗餼降殺而言也云此降小禮豐大禮也  
者小禮謂飧餼則去君遠矣并乘禽之等皆是小禮也  
大禮謂饗餼卿五牢子男卿與君等是豐大禮也云以  
命數則參差難等略於臣用爵而已若依命公侯伯卿  
三命大夫再命士一命子男卿再命大夫一命士不命  
并有大國孤一人四命是從孤已下通一命不命有五  
等若以此命數五等為之則參差難可等級略於臣用  
爵而已爵則有三等易為等級也言略於臣用爵則若  
不依爵而用命即諸侯爵五等命惟三等大行人掌客  
皆依命是也云夫人致禮助君養賓也籩豆陳於戶東  
壺陳於東序至下大夫致之知義然者見聘禮夫人使  
下大夫韋弁歸禮堂上籩豆設於戶東西上二以並東  
陳注設於戶東辟饌位壺設於東序北上南陳醢黍清  
皆兩壺約此故知之也若然不使卿者案內宰云致后

之賓客之禮注云謂諸侯來朝覲及女賓之賓客內宰是下大夫王后尚使下大夫况兩侯夫人乎故知使下大夫也云於子男云膳視致饗言夫人致膳於小國君以致饗之禮則是不復饗也饗有壺酒者公侯伯夫人致禮則云八壺八豆八簋與膳人宰致饗大宰三者各別彼子男夫人則云視膳致饗鄭云饗有壺酒則致膳無酒矣故云饗有酒若然子男夫人於諸侯惟有二禮矣聘禮夫人於聘大夫直有遷豆壺又不致饗是其差也云卿皆見者見於賓也既見之又膳之亦所以助君養賓也者言亦者亦大夫也云卿見又膳此聘禮大夫勞賓餼賓之類與者案聘禮聘畢賓即館卿大夫勞賓賓不見大夫奠鴈再拜上介受注云不言卿卿與大夫同執鴈下見於國君周禮凡諸侯之卿見朝君皆執羔勞上介亦如之又云餼賓大牢米八筐上介亦如之此朝君有膳無勞餼聘客有勞餼無膳明此事相當故云勞賓餼賓之類與約同之故云與以疑之云於子男云

親見卿皆膳特牛見讀如卿皆見之見者上公侯伯直  
云卿皆見以羔於子男即云親見卿作文有異此言親  
見卿似朝君親自來見卿有此嫌故讀從上文卿皆見  
以兼之明此見亦是見朝君三卿之內有見者不見者  
若故造館見則致膳若不故造館見則不致膳是以鄭  
云言卿於小國之君有不故造館見者故造館見者乃  
致膳也先鄭說牽云牲可牽行者也故春秋傳曰饒牽  
竭矣者案僖三十二年左氏傳云杞子自鄭告於秦曰  
鄭人使我掌其北門之管若潛師以來國可得也秦師  
將至鄭鄭人知之使皇武子辭焉曰吾子淹久於弊邑  
惟是脯資餼牽竭矣注饒死牢牽生牢引之證牽亦生  
牢未殺者也云耗請為耗秭麻答之耗者時有耗秭麻  
答之言故讀從之耗是東之總名如詩云萬億及秭秭  
亦數之總號答是鋪名刈麻者數把共為一鋪言此者  
見耗為束之凡諸侯之卿大夫士為國客則如其介之  
總號之意也

禮以待之注言其特來聘問待之禮如其爲介時也然

則聘禮所以禮賓是亦禮介疏

注釋曰前文云凡介行人宰史是從君之濫今

言此者見不從君而特來聘問者亦有三等之爵爵卿也爵大夫也爵士也若大聘曰聘卿爲賓大夫爲上介士爲衆介小聘曰問大夫爲賓介皆士也故歷言卿大夫也云待之禮如其爲介之時也者則前注爵卿已下是也云然則聘禮所以禮賓是亦禮介者此即聘禮致饗餼之時賓與上介衆介皆別行於館者是也凡

禮賓客國新殺禮凶荒殺禮札喪殺禮禍裁殺禮在野

在外殺禮注皆爲國省用愛費也國新新建國也凶荒

無年也禍裁新有兵寇水火也音義

爲于偏反下疏注同費芳味反

曰云國新新建國也者謂若刑新國用輕典鄭云新辟地立君之國故云新建國也云凶荒無年也者此則曲禮云歲凶年穀不登者也云禍災者兵寇來侵爲禍水火來害爲災也云在野在外殺禮者以其野外忽遽禮物不可卒備故亦殺之凡賓客死致禮以喪用注死則主人爲之

具而殯矣喪用者饋奠之物疏

注釋曰若諸侯之君出行則以三年之戒以禫

從死時除棺之外主人皆借之若臣從者死棺物皆共之云死則主人爲之具而殯矣者此乃在館權殯還日以柩行知者聘賓死以柩造朝是也云喪用者饋奠之物者小斂特豚一鼎大斂時特豚三鼎之類是也賓

客有喪惟芻稍之受注不受饗食饗食加也喪謂父母死也客則又有君馬芻給牛馬稍人稟也其正禮殮饗

饋主人致之則受音義

稍所教反疏 注釋曰上文賓客  
舊疎詔反 身死此文據為賓

客聘至彼國後有喪來告者云惟芻稍之受者君行師  
從御行旅從須得資給故受芻稍也注釋曰云不受饗  
食饗食加也者二者並速賓於朝飲食之事故自為而  
不受之聘禮亦云聘君若薨於後入境則遂受禮注云  
受饗饋也不受饗食云喪謂父母死也者據正賓而言  
若諸侯止應母死而有父者或始封之君舊為卿大夫  
容有父或父有廢疾不立以受位於祖亦云有父也云  
客則又有君馬者謂介已下非直有父母又有君喪以  
其俱三年故聘禮若有私喪則哭於館衰而居云芻給  
牛馬者從行之牛馬云稍人稟也者師從旅從須給稍  
即月稟是也飡饗饋主人致之則受者以正 遭主國之  
禮故受之若饗食加主人致之亦不受也

喪不受饗食受牲禮注牲亦當為腥聲之誤也有喪不

忍煎烹正禮飧饗饋常熟者腥致之也音義

煎子然反劉子賤反

烹普庚反

疏

注釋曰牲亦當為腥者亦上文公與子男

劉普孟反

腥三十有六當為腥是也主人有喪不忍

煎烹腥致之也按聘禮聘遣喪入境則遂也注云遭喪

主國君薨也主人畢歸禮注云宿所飲食不可廢也禮

謂饗饋饗食宿惟饗饋之受注云受正不受加饗食雖

主人歸宿宿不受其加若饗主人致之亦應受以其正

受腥

禮

掌訝掌邦國之等籍以待賓客注等九儀之差數疏

注釋

曰九儀之差數即大行人命者五爵者四以九以七以五為差數是也

若將有國賓客至

則戒官修委積與士逆賓于疆為前驅而入注官謂牛

人羊人舍人委人之屬士訝士也既戒乃出迎賓疏

注釋

曰云國賓客至者謂五等諸侯及其臣來朝聘至謂入畿內至廬宿市當共待之以委積有牛羊豕米禾芻薪之等故知戒官者謂牛人已下也舍人掌給米粟委人掌芻薪之委布於道遺人道上有廬廬有飲食三十里有宿宿有委五十里及宿則令聚櫟注令令野廬有市市有積之等是也

氏音義

廬力疏注釋曰知令野廬比其職云有賓於反疏客令其地之民聚櫟之故知也

及委

則致積注以王命致于賓疏

注釋曰凡致禮于賓無非王命故知以王命

至

于國賓入館次于舍門外待事于客注次如今官府門

外更衣處待事于客通其求索音義

索色疏注釋曰白反疏賓客至

王使卿致館掌訝既為賓客前驅入館掌訝次止于舍門外待事于客之次如今官府門外更衣處舉漢灋以

况之即今門外亦然

及將幣為前驅注道之以如朝音義

道音導下文注

道之道賓道王同

疏

注釋曰將幣謂至行朝聘之日道之以如朝謂至大門外之朝也

至于朝

詔其位入復及退亦如之注鄭司農云詔其位告客以

其位次也入復客入則掌訝出復其故位也客退復入

迎為之前驅至於館也玄謂入復者入告王以客至也

退亦如之如其為前驅音義

退復扶又反為於偽反亦如字

疏注釋曰

外朝之灋有二稱解之或解取閔公傳季友將生間于兩社為公室輔注云兩社同社毫社此二社在大門內

內門外既云兩社為公室輔則外朝所在也或解以為聘禮聘賓在外卒以樞造朝樞不可入公門造朝朝在大門外可知是其兩解不同驗此文云於朝者即是大門外陳嶺介之處言朝即外朝在大門外於義可矣云詔其位者謂告賓門外立位云入復者復白也白王賓已至位云及退亦如之者賓客行朝聘訖出還館謂之退亦如前與之道至館先鄭以入復為掌詒詔客自復已之故位後鄭不從以入復為入白王於義為允也

凡賓客之治令詒詒治之注賓客之治謂欲正其貢賦

理國事也以告詒詒為如朝而理之音義

治直吏反注下同為于偽

反下注疏

注釋曰但諸侯之理其事衆多鄭以貢賦為主兼再理國事以該之

凡從者出

則使人道之注從者凡介以下也人其屬胥徒也使道

賓客之從者營護之音義

從才用疏反注同

注釋曰從者凡介以下也者上掌客

凡介行人宰史從賓客來者皆是從者也知人是其屬胥徒也者訝士即下士下士使人明使在下胥徒之等故知胥徒也云營護之及歸送亦如之注如之者送至

於竟如其前驅聚橐待事之屬音義

竟音境

疏釋曰來時訝為之道

今歸又為之道及聚橐待事皆如前故云亦如之

凡賓客諸侯有卿訝卿有大

夫訝大夫有士訝士皆有訝注此謂朝覲聘問之日王

所使迎賓客於館之訝疏

注釋曰此訝是諸侯朝覲卿大夫士聘問之日至朝聘之

時訝之入案聘禮記云卿大夫訝大夫士訝士皆有訝賓即館訝將公命注云使已迎待之命又云又見之以

其摯注云訝將舍於館之外宜相親也聘問之日亦使之訝者但天子有掌訝之官即館之訝餘事皆掌主之惟朝覲聘問之日使卿大夫訝諸侯兼官故大夫士爲訝賓即館時即爲之訝與此掌訝不同也

凡訝

者賓客至而往詔相其事而掌其治令音義

相息亮反

掌交掌以節與幣巡邦國之諸侯及其萬民之所聚者

道王之德意志慮使咸知王之好惡辟行之注節以爲

行信幣以見諸侯也咸皆也辟讀如辟忌之辟使皆知

王之所好者而行之知王所惡者辟而不爲音義

好呼報反

注下皆同惡烏路反

疏

釋曰按序官掌交中士八人令言掌以節與幣巡邦國之諸侯

及萬民之所聚者道王之德意志慮使咸知之者天下九州千六百餘國使皆周徧必無偏理今言之者蓋是

國有不知治者徧使知之也

使和諸侯之好注有欲相與脩好者則

爲和合之疏

注釋曰下有結其交好爲朝聘則此好謂使爲婚姻之好也是以鄰云有欲脩好者

則爲和達萬民之說注說所喜也達者達之於王若其

國君音義

說音悅注同

疏

注釋曰掌交既巡民間見民有喜說之事王與國君未知掌交通達

於王及掌邦國之通事而結其交好注通事謂朝覲聘

問也疏

注釋曰言邦國通事是兩國交通之事惟有君臣朝覲聘問之事結使交好故以朝覲聘問解

則易云先王建萬國親諸侯也

以諭九稅之利九禮之親九牧之維九

禁之難九戎之威注諭古曉也九稅所稅民九職也九

禮九儀之禮九牧九州之牧九禁九灋之禁九戎九伐

之戎音義

難乃疏注釋曰云九稅所稅民九職也者大

種因即稅之三農生九穀稅九穀圍圃毓草木稅草木

九稅唯臣妾聚斂疏材者無稅總言九稅耳今掌交還

以此九稅之灋告曉使之任之稅之故云九稅所稅民

九職也云九禮九儀之禮者以其大行人小行人掌訝

皆掌九儀之禮以其專據諸侯國不得以大宗伯九儀  
解此也言之親則朝聘是也云九牧之維者大司馬九  
灋建牧立監以維邦國故云維九禁之難者大司馬設  
九灋使邦國有所畏難云九戎之威者大司馬設九伐  
有所威刑故  
言難言威也

掌察闕

掌貨賄闕

朝大夫掌都家之國治注都家王子弟公卿及大夫之

采地也主其國治者平理其來文書於朝者音義治直吏反

注下疏釋曰都家同言國者雖有百里五十里二十五里不同皆謂之國此則王制云畿內九十三國

者也云國治者都家有文書來者平理之也注釋曰王子弟亦以親疎分置於三處食采地公卿大夫者公百

里任疆地卿五十里任縣地大夫五十里任稍地日朝以聽國事故以告其君

長注國事故天子之事當施於都家者也告其君長使

知而行之也君謂其國君長其卿大夫也音義

長丁文反注同

疏

注釋曰云日朝者朝大夫日日在朝以聽受國事故以天子之事告采地之君長也云君謂其國君長其

卿大夫也者總而言之皆曰國君別而言之惟三公及

王子弟得稱國君卿大夫總稱長是以司裘國君共熊

侯豹侯卿大夫共

麋侯是其別稱也國有政令則令其朝大夫注使以告

其都家之吏疏

注釋曰上文據天子國事遣朝大夫告君長此經據天子政令告朝大夫之事

凡都家之治於國者必因其朝大夫然後聽之唯大事

弗因注謂以小事文書來者朝大夫先平理之乃以告

有司也大事者非朝大夫所能平理疏

釋曰此經據都家有事上諸王

府之  
事 凡都家之治有不及者則誅其朝大夫注不及謂

有稽殿之音義

殿都疏

注釋曰都家治有不及稽殿誅練殿反朝大夫者以其朝大夫專主都

家責其不能  
催促故也

在軍旅則誅其有司注有司都司馬家司

馬疏

注釋曰言此者見軍旅不干朝大夫之事都司馬王家之司馬王臣為之者家司馬卿大夫使家臣

自置其司

馬者也

都則

闕疏

釋曰諸言闕者皆是因秦燔滅典籍漢興購求不得也

都士

闕

家士

闕

周禮注疏卷三十八

周禮注疏卷三十八考證

司儀主君郊勞疏不陳五擯者非主君從賓禮故也○

臣紱按主當作王非王句言王見諸侯則陳五擯從臣禮也此諸公相賓則君從賓禮以其非王耳

凡四方之賓客禮儀辭命餼牢賜獻以二等從其爵而上下之疏以三等降殺從三等而爲之○三當作二經文自明

象胥凡國之大喪三節○黃氏度謂是小行人之錯簡

凡諸侯之禮疏見聘禮夫人使下大夫韋弁歸禮○夫人使三字監本訛作致饗餼今據原文改正

賓客有喪惟芻稍之受注不受饗食饗食加也○臣紱

按此注二句并疏云不受饗食起至不受饗食共五十四字俱屬下節遭主國之喪不受饗食此為錯簡

周禮注疏卷三十八考證

謹案第三頁後三行疏天子乘龍載大旂刊本旂  
訛旆今改

後四行疏十有二存刊本存訛旒今改

第十三頁前六行注皆如主國之禮刊本主訛圭  
據經文改

第三十四頁後一行疏以其兼有雞鶩之等刊本  
雞訛鶩今改

--	--	--	--	--	--	--	--	--



覆校官編修臣劉種之

校對官編修臣李光雲

謄錄監生臣王嵩齡